

舊唐書

一二



唐書志卷第二十一

劉 昫

地理四

劍南道東西道

嶺南道五管

劍南道

成都府 隋蜀郡武德元年改爲益州置惣管府管益綿陵遂資雅嘉瀘戎會松翼雋南寧昆恭十七州益州領成都雒九隴郫雙流新津晉原青城陽安金水平泉立武綿竹等十三縣又置 唐隆道江二縣二年分置印眉普榮登五州屬惣管府又置新都什邡二縣三年罷惣管置西南道行臺仍分綿竹導江九隴三縣立濛州陽安金水平泉三縣立簡州割玄武屬梓州又析置德陽新繁萬春三縣九年罷行臺置都督府督益綿簡嘉陵眉犍印十州并督雋南會寧都督府貞觀二年廢濛州之九隴綿竹導江來屬仍改萬春爲溫江六年罷南寧都督更置戎州都督屬益州八年兼領南金州都督十年又督益綿簡嘉陵雅眉印八州茂雋二都



督十七年置蜀縣龍朔二年升爲大都督府仍置廣都縣咸亨二年置金堂儀鳳三縣其年又置唐昌濛陽二縣垂拱三年分雒九隴等十三縣置彭蜀二州其年又置犀浦縣聖曆三年又置東陽縣天寶元年改益州爲蜀郡依舊大都督府劍南三十八郡十五載玄宗幸蜀駐蹕成都至德二年十月駕迴西京改蜀郡爲都府長史爲尹又分爲劍南東川西川各置節度使廣德元年黃門侍郎嚴武爲成都尹復併東西川爲一節度自崔寧鎮蜀後分爲西川自後不改舊領縣十六戶十一萬七千八百九十九口七十四萬三百一十二漢朝蜀郡戶二十六萬八千二百七十四口二十四萬

天寶領縣十戶十六萬九千五百九十九口九十二萬八千一百九十九京師西南二千三百七十九里至東都三千一百一十六里

成都漢縣屬蜀郡漢朝成都一縣管戶一萬六千二百五十六蜀三代之時西南夷國或臣或否至孝惠王旣霸西戎欲廣其地乃令其相張儀爲蜀伐蜀取其地立漢中巴蜀三郡蜀王本都

廣都之樊鄉張儀平蜀後自赤里街移治於少城今州城是也蜀城張儀所築華陽貞觀十七年分成都縣置蜀縣在州郭下與成都分理乾元元年二月改爲華陽新都漢縣屬廣漢郡新繁漢縣屬蜀郡劉禪時加新字 犀浦垂拱三年分成都縣置雙流漢廣都縣地屬蜀郡隋置雙流縣也廣都龍朔三年分雙流置取隋舊名郫 漢縣屬蜀郡隋置郫州大業省爲郫縣 溫江漢郫縣地魏蜀郡治於此隋爲萬春縣貞觀元年改爲溫江 靈池久視元年分蜀縣廣置東陽縣天寶元年改爲靈池

漢州上 垂拱二年分益州五縣置漢州天寶元年改爲德陽郡乾元元年復爲漢州 領縣五戶六萬九千五百三十萬八千二百三至京師二千二百里至東都三千一百一十六里

雒 漢縣屬廣漢郡後漢置益州治於雒晉置新都郡宋齊爲

廣漢郡垂拱二年置漢州皆治雒縣也 德陽後周廢縣武德三年分雒置什邡 漢縣屬廣漢郡後周改爲方寧武德三年改爲什

祁雍齒侯邑在縣北四十步 綿竹漢縣屬廣漢郡隋開皇二年置
晉熙縣十八年又改爲李冰縣大業三年改爲綿竹武德三年屬濛州州
廢來屬之 金堂咸亨二年分雒縣新都置屬益州垂拱二年來屬也
彭州上 垂拱二年分益州四縣置彭州天寶元年改爲濛陽郡
乾元元年復爲彭州 領縣四戶五萬五千九百二十二口三十五萬
七千三百八十七至 京師二千三百三十九里至東都三千一百六十九里
九隴 州所治漢繁縣地宋置晉壽郡古城在縣西北三里梁置東
益州後魏爲天水郡仍改爲九隴初於縣東三里置濛州大業省
武德三年復置濛州領九隴綿竹導江三縣置彭州之名也三縣
置屬益州垂拱二年屬彭州長壽二年改爲周昌神龍初復置也
濛陽儀鳳二年分九隴雒什邡三縣置屬益州垂拱三年來屬
導江蜀置都安縣後周改爲汶山武德元年改爲盤龍尋改爲導
江三年割屬濛州州廢屬蜀益州舊治灌口城武德元年移治導
江郡垂拱二年來屬

蜀州 垂拱二年分益州四縣置天寶元年改爲唐安郡乾元元年復爲蜀州也 領縣四戶五萬六千五百七十七口三十九萬六千九百九十四至 京師三千三百三十二里至東都三千一百七十二里

晉原 漢江源地屬蜀州李雄立江原郡晉改爲多融縣又改爲晉原鶴鳴山在西北十里青城漢江源縣地南齊置齊基縣後周改爲青城山在西北三十二里舊青字加水開元十八年去水爲青

唐安本漢江源縣地後魏於此立犍爲郡及棘人道縣隋省武德元年復置改爲唐隆長壽年爲武隆先天元年改爲唐安 新津

漢武陽縣屬犍爲郡後周改爲新津屬益州垂拱二年屬蜀州也

眉州上 隋眉山郡之通義縣武德二年割嘉州之通義丹稜洪

雅青神南安五縣置眉州五年省南安貞觀二年置龍山縣天寶元年改爲通義郡乾元元年復爲眉州也 舊領縣五戶三萬

六千九百十六萬九千七百五十五 天寶戶四萬三千五百二十九口二十七萬五千二百五十六至 京師二千五百五十里至東都三千二百八十九里

通義 後漢置通義縣屬齊通義郡梁改為青州後魏改為眉州後改通義為安洛又復通義隋初為廣尋改為通義武德元年於縣置唐眉州也 彭山漢陽武縣地屬犍為晉於郡置西江陽郡後魏增置隆山郡以界內有鼎鼻山地形隆故也隋改為陵州隆山縣先天元年改為彭山也 丹稜 本南齊二樂郡後周改為洪雅縣隋改為丹稜屬嘉州武德二年來屬也 洪雅 後周洪雅鎮隋改為縣武德九年置犍州貞觀初州廢屬眉州也 青神 漢南安縣屬犍為郡縣臨青衣江西魏置青衣縣本治思蒙水口武德八年移於今治屬眉州也

綿州上 隋金山郡武德元年改為綿州領巴西昌隆涪城魏成金山萬安神泉七縣三年分置顯武隴安文義臨泉四縣七年省金山縣貞觀元年又省文義縣 舊領縣九戶四萬三千九百四口十九萬五千五百六十三 天寶領縣九戶六萬五千六十六口二十六萬三千三百五十二至 京師二千五百九里至東都三千二百五十九里

巴西 漢涪縣屬廣漢郡晉置梓郡西魏置潼州隋改爲綿州煬
帝改爲金山郡隋改涪爲巴西縣也 涪城 漢涪縣地東晉置始平
郡後魏改爲涪城及潼縣隋改潼爲涪城 昌明 漢涪縣地晉置
漢昌縣後魏爲昌隆先天元年改爲昌明舊有顯武縣神龍元年
改爲興聖開元二年廢併入昌明仍分巴西涪城萬安三縣地置
興聖縣二十七年廢地各還本屬 魏城 隋置 羅江 漢涪縣地
晉於梓潼水尾萬安故城置萬安縣後魏置萬安郡隋廢天寶元
年改萬安爲羅江廉泉 譚水出縣北平地也 神泉 漢涪城地晉
置西園縣隋改爲神泉以縣西泉能愈疾故也 鹽泉 武德三年
分城置也 龍安 隋金水縣武德三年復置改爲龍安 西昌
隋金山縣隋末廢永淳元年復置改爲西昌也

劍州 隋普安郡武德元年改爲始州領縣七聖曆二年置劍門
縣先天二年改始州爲劍州天寶五年改爲普安郡乾元年復爲
劍州也 舊領縣七戶三萬六千七百一十四口十九萬九十六 天寶

領縣八戶二萬三千五百一十口十萬四百五十 至京師一千六百六十二里至東都二千五百六十里

昔安 漢梓潼縣廣漢郡治也宋置南安郡梁州又改爲安州西魏改爲始州兼置昔安郡武德三年復爲始州皆治於昔安也

黃安 梁分梓潼縣置梁安縣尋改爲黃安 永歸 隋分梓

潼縣置 梓潼 漢縣蜀先分廣漢置梓潼西魏改爲潼川郡隋

爲梓潼縣後魏自涪縣移梓郡於今縣屬始州仍改郡爲縣也

陰平 晉涼人入蜀於縣置北陰平郡山北有十八隴山山有隴

十八也 武連 漢梓潼縣地宋置武都郡及下辨縣又改下辨爲武

功後魏改爲武連也 臨津 漢梓潼縣地南齊置相厚縣隋改爲

臨津也 劍門 聖曆二年分昔安永歸陰平三縣地於方期驛城

置劍門縣界大劍山即梁山也其北三十里所有小劍山大劍山有

劍閣道三十里至劍處張載刻銘之所劍山東西三百三十一里

梓州上 隋新城郡武德元年改爲梓州領郵射洪鹽亭飛鳥

四縣三年又以益州玄武來屬四年又置永泰縣調露元年置銅山縣天寶元年改爲梓潼郡乾元元年復爲梓州乾元後分蜀爲東西川梓州恒爲東川節度使治所 舊領縣七戶四萬五千九百二十九口二十四萬八千三百九十四 天寶領縣八戶六萬二千八百二十四口二十四萬六千六百五十二至 京師二千九十里至東都二千九百里 鄠 漢縣屬廣漢郡歷晉宋齊不改梁於縣置新州西魏改爲昌城郡隋改爲梓州煬帝改爲新城郡二城左帶潼水右挾中江鄰居水陸之要梓州所治以梓潼水爲名也 射洪 漢鄠縣地後魏分置射洪縣婁縷灘東六里有射江語訛爲洪 通泉 漢廣漢縣地隋縣也 玄武 漢底道縣屬蜀郡晉改爲玄武武德元年屬益州三年割屬梓州也 鹽亭 漢廣漢縣地梁置鹽亭縣也 飛鳥 漢鄠縣地隋置飛鳥鎮又改爲縣取飛鳥山爲名也 永泰 武德四年分鹽亭武安二縣置 銅山 調露元年分 飛鳥二縣地置也

閬州 隋巴西郡武德元年改爲隆州領閬中南部倉溪南充相如西水三城奉國儀隴大寅屬蓬州十縣其年又立辨丹思恭二縣四年以南充西水屬果州儀隴大寅屬蓬州又置新政七年又以奉國屬西平州還以奉國來屬又省思恭入閬中縣先天元年改爲閬州天寶元年改爲閬中郡乾元元年復閬州

舊領縣八戶三萬八千九百四十九口二十七萬三千五百四十三今領縣九戶二萬五千五百八十八口十三萬二千一百九十二至京師一千九百一十五里至東都二千七百六十里

閬中 漢縣屬巴郡梁置北巴州西魏置隆州及盤龍郡煬帝改爲巴郡武德爲隆州皆治閬中閬水迂曲經郡三面故曰閬中隋爲閬內也 晉安 漢閬中縣地梁置金匱貳又爲金遷郡隋省郡改爲晉城武德改爲晉安也 南部 後漢分閬中置充郡國縣屬巴郡又分置南充國郡梁改爲南充郡國隋改爲南部也 蒼溪 後漢分宕渠置漢昌縣屬巴郡隋改漢昌爲蒼溪也 西水 漢閬

中縣地梁置掌夫城後周改爲西水縣 奉國 後漢分閬中置武德七年屬西平州貞觀元年還屬隆州 新井 漢充國縣地武德元年分南部晉安三縣置界內有鹽井 新政 武德四年分南部相如兩縣置 岐坪 舊屬利州開元二十三年來屬也

果州中 隋巴西郡之南充縣武德四年割隆州之南充相如二縣置果州因果山爲名又置西充卽他二縣天寶元年爲南充郡乾元元年復爲果州也 舊領縣四戶一萬三千五百一十口七萬五千八百一十一 天寶領縣六戶三萬三千九百四十八萬九千二百二十五至 京師二千五百五十八里至東都三千四百二十三里

南充 漢安漢縣屬巴郡宋於安漢故城置南充宕渠郡隋改安漢爲南充果山在縣南八里 相如 漢安漢縣地梁置梓潼郡周省郡立相如縣以縣城南二十里有相如故宅二相如坪有琴臺 流溪 開耀元年析南充縣於溪水側置也 西充 武德四年分南充置有西充山 卽池 武德四年分相如置 岳池 萬歲通天二年分

南充相如二縣置初治思岳池開元二十年移治今所

遂州中 隋遂寧郡武德元年改爲遂州領方義長江青石三縣
二年置摠管遂梓資普四州貞觀罷摠管十年復置都督督果
普合四州十七年罷都督府天寶元年改爲遂寧郡乾元元年復
爲遂州 舊領縣三戶一萬二千九百七十七口六萬六千四百六十九
天寶領縣五戶三萬五千六百三十二口十萬七千七百一十六至 京師
二千三百二十九里至東京三千一百六十六里

方義 漢廣縣屬廣漢郡宋置遂寧郡齊梁加東字後周改東
遂寧爲遂州後魏改廣漢爲方義 長江 東晉巴興縣魏改爲
長江舊治靈鷲山上元二年移治白挑川也 蓬溪 永淳元年分
方義縣置唐興縣長壽二年改爲武豐神龍初復景龍二年分唐
興置唐安縣先天二年廢唐安縣移唐安廢縣置天寶元年改唐
興爲蓬溪也 青石 東晉興縣後魏改爲始興隋改始興爲青石
以縣界有青石祠也遂寧具景龍元年分置

普州中 隋資陽郡之安岳縣武德二年分資州之岳隆康居普慈
四縣置普州三年又置樂至隆龕二縣天寶元年改爲安樂郡乾元
元年復爲普州 舊領縣六戶二萬五千八百四十口六萬七千三百
二十 天寶領縣四戶二萬五千六百九十三口七萬四千六百九十二至
京師二千三百六十里至東都三千二百三里

安岳 漢犍爲巴郡地資中牛鞞蟄江三縣地李雄亂後爲獠所
據梁招撫之置普慈郡後周置普州隋省武德二年復置安岳爲
治所 安居 後周柔剛縣屬安居郡隋改柔剛爲安居柔剛山在縣
東二十步舊治柔剛山天授二年移理張柵也 普康 後周永
唐縣隋改爲永康移治伏強城尋改爲隆康先天元年改爲普康
也 崇龕 後周隆龕城隋爲隆龕縣舊治整瀨川久視元年移
治波羅川先天元年爲崇龕隆龕山在縣西三里也

陵州中 隋隆山郡武德元年改爲陵州領仁壽貴平井研始建
隆山五縣貞觀元年割隆山屬眉州天寶元年改爲仁壽郡乾元

元年復爲陵州也 舊領縣四戶一萬七千四百四十八萬二百二十
天寶領縣五戶三萬四千七百三十八口十萬二百二十八至京師二千
五百一十里至東都三千四百八十四里

仁壽 漢武陽縣縣東境屬犍爲郡晉置西域戍以爲井防後魏
平蜀改置普寧縣後周置陵州以州南陵井爲名隋改普寧爲仁
壽所治也 貴平 漢廣都縣之東南地屬郡後魏置和仁郡仍立
平井貴平可曇三縣舊治和仁城開元十四年移治祿川也 井研
漢武陽縣地東晉置西陽郡魏置蒲亭縣隋改爲井研武德四
年自擁思范水移治今所也 始建 漢武置建始鎮五年改鎮爲
始建縣舊治擁思水聖曆二年移治榮社山籍梁席郡一名漢陽
戍永徽四年分貴平置

資州上 隋資陽郡武德元年改爲資州領盤石內江安岳普慈
安居隆唐陽大牢威遠屬榮州二年分安居隆唐普慈安岳四縣
屬普州貞觀四年置丹山縣天寶元年改爲資陽郡乾元元年

復爲資州乾元二年正月分置昌尋廢也 舊領縣八戶二萬九千

三百四十七口十五萬三千一百三十九 天寶戶二萬九千六百三十五口

十萬四千七百七十五至京師二千五百六十里至東都三千五百千里

盤石 漢資中縣屬犍爲縣後周於今簡州陽安縣移資州於漢

資中故城爲治所仍改資中爲盤石今州治 資陽 後周分資

中置縣在資水之陽也 牛鞞 漢資中縣爲盤地隋分置牛鞞

縣漢有牛鞞縣屬犍爲郡此非也洛水一名牛鞞水

音必
尔反

內江 漢資中縣地後漢於中江水濱置漢安戌其年改爲中江

縣因其北江乃云中隋改爲內江漢安故城今縣治也 月山

資中地義寧二年置 龍水 資中地義寧二年置 銀山 資

中地義寧二年置 丹山 漢資中地貞觀四年置六年省併入

內江七年又置

榮州中 隋資陽郡之牢縣武德元年置榮州領大牢威遠二縣

貞觀二年置旭川婆日至如三縣二年割瀘州之隆越來屬三年自

公井移州治大牢仍割嘉州資官來屬八年又割瀘州之和義來屬廢婆娑日至如越隆三縣永徽二年移州治旭川天寶元年改爲和義郡乾元元年復爲榮州舊領縣六戶一萬二千二百六十二口五萬六千六百一十四天寶戶五千六百三十九口萬八千二十四至京師二千九百七十二里至東都二千七百四十九里

大牢漢南安縣屬犍爲郡隋置大牢鎮尋改爲縣武德元年割資州之大牢威遠二縣於公井鎮置榮州取界內榮德山爲名又改公井爲縣六年自公井移州治於大牢縣也公井漢江陽縣屬犍爲郡後周置公井鎮武德元年鎮置榮州改爲公井縣貞觀六年治移於大牢也威遠漢安縣地屬犍爲郡隋於舊威成置縣武德初屬資州其年割屬榮州也旭川貞觀元年分大牢縣置資官漢南安縣地晉置資官縣武德初屬嘉州六年來屬和義漢安仁縣地隋置和義縣

簡州隋蜀郡之陽安縣武德三年分益州置天寶元年改爲陽

安郡乾元元年復爲簡州 舊領縣三戶一萬三千八百五十七萬五千一百三十三 天寶戶二萬三千六百一十四萬三千一百九十至京師西南二千七百里至東都三千六百里 陽安 漢牛鞞縣屬犍爲郡後魏置陽安縣又分陽安平泉資陽三縣置簡州取界內賴簡池爲名 金水 漢新都縣屬廣漢郡晉將朱齡石於東山立金水戎後魏立金水郡分置金水白年二縣隋改爲金潤屬蜀郡武德初爲金水三年屬簡州縣有金堂山 平泉 漢牛鞞縣地後魏置安潤縣隋移縣治於賴黎池仍改爲平泉縣縣之旁地湧泉故也

嘉州中 隋眉山郡武德元年改爲嘉州領龍遊平羗夾江義眉玉津綏山通義洪雅丹稜青神南安五縣置眉州貞觀六年改資官屬榮州上元元年以戎州之犍爲來屬天寶元年改爲犍爲郡乾元元年復爲嘉州三月劍南節度使盧元裕請升爲中都督府尋罷 舊領縣六戶二萬五千八百七十五千三百九十一 天寶

領縣八戶三萬四千二百八十九口九萬九千五百九十二至京師二千七百二十里至東都三千五百里 龍遊 漢南安縣地屬犍爲郡後周置平羗縣隋初爲義眉縣又改爲青衣縣隋伐陳時龍見于江中引舟乃改爲龍遊縣也州臨大江爲名 平羗 後周置也 義眉 漢南安縣隋置義眉縣取西山名也 夾江 漢南安縣地隋分龍遊平羗三縣於江上置夾江縣今北八十里有夾江廢戍即江上地也舊治江上武德元年移於今治也 玉津 漢南安縣地隋置玉津縣江中出僻故也 綏山 隋招致生獠於榮樂城置綏山縣取旁山名也 羅目 麟德二年開生獠置沐州及羅目縣上元三年俱廢儀鳳三年又置治洹和城屬嘉州如意元年又自義眉縣界移羅目治於今所也 犍爲本漢都因山立名舊屬戎州上元元年改屬嘉州

邛州上 隋臨邛郡之依政縣武德元年割雅州之依政臨邛蒲江火井五縣置邛州於依政縣三年又置安仁縣顯慶二年移州治

於臨邛天寶元年改爲臨邛郡乾元元年復爲邛州舊領縣六
戶一萬五千八百八十六口七萬二千八百五十九天寶領縣七戶四萬
二千一百七口十九萬三百二十七至京師西南二千五百一十五里至
東都三千三百七十一里臨邛漢縣屬蜀郡邛水出嚴道邛來山
入青衣江故云臨邛晉於益州唐隆縣置臨邛縣後魏平蜀自唐
隆移臨邛縣治於漢臨邛縣西立臨邛郡隋罷郡移臨邛縣於今
所治有火井銅官山也依政秦蒲陽縣漢臨邛縣梁置邛州於
蒲州領後魏改爲蒲陽郡置依政縣隋改爲臨邛郡治依政梁魏
邛州在今縣西南二里後周移治於今所後移治於臨邛安仁
秦臨邛縣地武德三年置安仁縣貞觀十七年廢咸亨初復置
大邑咸亨二年分益州晉原縣置也蒲江漢臨邛縣地後魏置
廣定縣隋改爲蒲江南枕蒲水故也臨溪後魏分臨邛縣置也
火井漢臨邛縣地周置火井鎮隋改鎮爲縣也

雅州下都督府隋臨邛郡武德元年改爲雅州領嚴道名山盧

山依政臨邛蒲江臨溪蒙陽漢源火井長松靈關楊啓嘉良大利
陽山十六縣其年割依政臨邛蒲江臨溪火井五縣置邛州漢源
陽山二縣置登州二年置榮經縣六年省嘉良楊啓大利靈關蒙
陽長松六縣九年廢登州還以陽山漢源來屬貞觀二年又以陽
山漢源屬雋州八年又置百丈縣永徽五年以雋州漢源來屬
儀鳳四年置飛越文堤二縣大足元年又割漢源飛越二縣置黎州
神龍三年廢黎州漢源飛越屬雅州開元三年又割二縣置黎州
又置都督府天寶元年改爲盧山郡乾元元年復爲雅州都督
轄十九州也 舊領縣五戶一萬三百六十二口四萬一千七百二十三
天寶戶一萬八百九十一口五萬四千四百一十九 至京師西南二千七百
二十三里至東都三千五百一里 嚴道 漢縣屬蜀郡晉末大亂夷
獠據之後魏開生獠於此置蒙山郡領始陽蒙山二縣隋改始陽
爲嚴道蒙山爲名山仁壽四年置雅州煬帝改爲嚴道 盧山
漢嚴道地隋置盧山鎮又改爲縣盧山在縣西北六十里章盧山下

有山破口開三丈長三百步俗呼爲盧關關外即生獠也名山
嚴道縣地魏置蒙山縣隋改爲名山也一百丈漢嚴道縣地在
漢臨邛南百二十里有百丈山武德置百丈鎮貞觀八年改鎮爲
縣榮經漢嚴道縣地武德三年置榮經縣縣界有邛來山九
折故銅山也

雅州都督一十九州並生羗生獠羈縻州無州縣

壽梁州

東石孔州

西石孔州

林波州

涉邛州

汶東州

金林州

費林州

徐渠州

會野州

雅州

中川州

鉗矢州

強雞州

長臂州

楊常州

林燒州

當仁州

當馬州

比天寶已前歲時貢奉屬雅州都督

黎州下雅州之漢源縣大足元年割漢源飛越二縣及雋州之
陽山置黎州天寶元年改爲洪源郡乾元元年復爲黎州領羈
縻五十五州也領縣三戶一千七百三千口七千六百七十八至京師

二千九百五十里至東都三千七百里 漢源 越雋郡之地隋漢源縣長安四年巡察使奏置黎州後使宋乾徽奏廢入雅州大足元年又置黎州神龍三年廢開元三年又置黎州取蜀南仇黎地爲名州所治 飛越 儀鳳四年分漢源於飛越水置縣屬雅州大足元年屬黎州長安二年廢大渡縣併入神龍三年屬雅州開元三年又屬黎州也 通望 舊陽山縣屬雋州大足元年屬黎州神龍二年又屬雋州開元元年却屬黎州天寶元年改爲通望也黎州統制五十五州皆徼外生獠無州羈縻而已

羅巖州

索古州

秦上州

輒榮州

劇川州

合欽州

蓬州

栢坡州

博盧州

明川州

朶臈州

蓬矢州

大渡州

米川州

木屬州

河東州

諾祚州

甫嵐州

昌明州

歸化州

象川州

叢夏州

和良州

和都州

附樹州

東川州

上貴州

滑川州

比川州

吉川州

甫藁州

比地州

蒼榮州

野川州

邛陳州

貴林州

護川州

牒琮州

浪彌州

郎郭州

上欽州

時蓬州

儼馬州

極查州

邛川州

護邛州

脚川州

開望州

上蓬州

比蓬州

剝重州

久護州

瑤劍州

明昌州

瀘州下都督府隋瀘川郡武德元年改為瀘州領富井江安綿

水合江來鳳和義七縣武德三年置摠管府一州九年省來鳳貞

觀元年置思隸思逢施陽三縣縣仍置涇南縣又省施陽縣十三

年省思隸思逢二縣十七年置溱珍二州儀鳳二年又置晏納奉

浙鞏蔭六州載初二年置州天授元年置思吳州久視元年置清

州二年罷州並屬瀘州都督凡十州天寶元年改為瀘川郡依舊

都督乾元元年復為瀘州舊領縣六戶一萬九千一百一十六口六萬

六千八百二十八天寶戶二萬六千五百九十四口六萬五千七百一十一

至京師西南三千三百里至東都四千一百九十六里瀘川漢江陽

縣地屬犍爲郡梁置瀘川故以江陽爲瀘川縣州所治也富義
隋富世縣貞觀二十三年改爲富義縣界有富世鹽井井深二百
五十尺以達鹽泉俗呼玉女泉以其井出鹽最多人獲厚利故云
富世安江漢陽縣地晉時生獠攻郡破之又置漢安縣隋改爲
江安也合江江符縣地屬犍爲郡晉置安樂縣後周改爲合江
也綿水漢江陽縣地晉置綿水縣當綿水入江之口也涇南
貞觀八年分瀘川置在涇水之南

瀘州都督十州皆招撫夷獠置無戶口道里羈縻州

納州儀鳳二年開山洞置天寶元年改爲都寧郡乾元元年復
爲納州領縣八並與州同置羅圍播羅施陽都寧

羅當羅藍都胡茂

薛州儀鳳二年招生獠置天寶元年改爲黃池郡乾元元年復
爲薛州也領縣三與州同置枝江黃池播陵

晏州儀鳳二年開山洞置天寶改爲羅陽郡乾元元年復爲晏

州也領縣七與州同置 思我 柯陰 新賓 扶來 思晏

多岡 羅陽

鞏州 儀鳳二年開山洞置天寶改爲因忠郡乾元元年復爲鞏州也領縣四與州同置 多樓 波負 比求 播郎

順州 載初二年置領縣五與州同置 曲水 順山 靈巖

來獠 龍池

奉州 儀鳳二年置領縣三與州同置 柯理 柯巴 蘿蓬

思莪州 天授三年置領縣二與州同置 多溪 洛溪

能州 大足元年置領縣四與州同置 長寧 來銀 菊池 獠山

涪州 久視元年置領縣四與州同置 新定 涪川 固城 居牢

浙州 儀鳳二年置領縣四與州同置 浙源 越賓 洛川 鱗山

茂州都督府 隋汶山郡武德元年改爲會州領汶山北山汶川

左封通化翼斜交川翼水九縣其年割翼斜左封翼水三縣置翼

州以交川屬松州三年置摠管府管會翼三州四年改爲南會州

七年改爲都督府督南會翼向維州穹炎徹笮十州貞觀八年改爲茂州以郡界茂濕山爲名仍置石泉縣天寶元年改爲通化郡乾元元年復爲茂州也 舊領縣四戶三千三百八十六口五萬三千七百六十一 天寶戶二千五百一十萬三千二百四十二 至京師西南二千七百九十四里至東都三千二十四里 汶山 漢汶江縣屬蜀郡故城在今縣北二里舊驪舟地晉汶山郡宋廣陽縣周爲汶州置汶山縣隋初改爲蜀州又改爲會州貞觀八年改爲茂州 汶川 漢綿虎縣地屬蜀郡晉置汶川縣後周移文川於廣陽縣齊州置即今治也玉壘山在縣東北四里石紐山亦在縣界永徽二年廢汶川縣併入石泉漢岷山縣地屬蜀郡貞觀八年置石泉之縣也通化 漢廣柔縣地屬蜀郡後周置石門鎮隋改爲金山鎮尋改爲通化也

茂州都督府羈縻州十維翼兩州後進爲正州相次爲正者七今附於都督之下

翼州下 隋汶山郡之翼斜縣武德元年分置翼州六年自左封移州治於翼斜咸亨三年置都督府移就悉州城內上元二年罷都督移還舊治天寶元年改爲臨翼郡乾元元年復爲翼州也

舊領縣三戶一千六百二口三千八百九十八 天寶領縣二戶七百一十一口三千六百一十八 至京師西南二千九百三十里至東都三千二百七十八里 衛山 漢蠶陵縣屬蜀郡故城在縣西有蠶陵山隋改爲翼斜縣治七頃城貞觀十七年移治七里溪天寶元年改爲衛山縣翼水 漢蠶陵縣隋置翼水縣也 雞川 昭德二縣開生獠新置維州下 武德元年白苟羗降附乃於姜維故城置維州領金川定廉二縣貞觀元年羗叛州縣俱罷二年生羗首領芷占者請夷復立維州移治於姜維城東始屬茂州爲羗縻州麟德二年進爲正州尋叛羗降爲羗縻州垂拱三年又爲正州天寶元年改爲維川郡乾元元年復爲維州上元元年後河西隴右州縣皆陷吐蕃贊普更欲圖蜀川累急攻維州不下乃以婦人嫁維州門者二十年

中生二子及蕃兵攻城二子內應城遂陷吐蕃得之號無憂城累入
兵寇擾西川韋臯在蜀二十年收復不遂至大中末杜棕鎮蜀維
州首領內附方復隸西川 舊領縣三戶二千一百四十二無口

天寶領縣二戶一千一百七十九口三千二百九十八 至京師二千八百三十里
至東都三千五百六十三里 薛城漢已前徼外羗丹驍之地蜀劉
禪時蜀將姜維馬忠等討汶山叛羗即此地也今州城即姜維故
壘也隋初蜀帥討叛羗於其地置薛城戎大業末又沒於羗武德
七年白苟羗酋鄧賢佐內附乃於姜維城置維州領金川定廉二
縣貞觀元年賢佐叛罷郡縣三年左上封生羗酋董屈占等舉族
內附復置維州及二縣薛城在州西南二百步也 小封 咸亨二年
刺史董弄招慰生羗置也

陰州下 武德元年臨陰羗歸附置陰州領端源婆覽二縣貞觀二
年州縣俱省二年又分茂州之端源戎置陰州也 領縣三戶二千
三百三十四口四千二百六十一 京師西南二千六百八十九里 端源

臨塗 悉隣 三縣與州同置

炎州下 貞觀五年六羗歸附置西封州八年改爲炎州 領縣三
與州同置大封 慕仙 義川 領戶五千七百無口數 京師西南
三千三百七十六里

徽州下 貞觀五年西羗首領董稠貞歸化置 領縣三與州同置

文徹 俄耳 文進 領戶三千三百無口數 京師西南三千四百十里

向州下 貞觀五年生羗歸化置也 領縣三與州同置 貝左 向貳

領戶一千六百二口三千八百九十八 京師西南二千八百六十九里

舟州下 本徼外斂才羗地貞觀五年置西舟州九年去西字 領縣

四與州同置 舟山 磨山 王溪 金水 領戶千三百七十口 京師

西南三千七百三十九里

穹州下 貞觀五年生羗歸附置西博州八年改爲穹州 領縣

五與州同置 領戶三千四百三十六口 京師西南三千二百六十七里

竿州下 貞觀七年白苟羗降附置西恭州八年改爲竿州也 領

縣三與州同置遂都亭勸比思無戶京師西南二千九百四十五里
右九州皆屬茂州都督永徽後又析為三十一州今不錄其餘也

戎州中都督府 隋犍為郡武德元年改為戎州領犍道犍為南
溪開邊都五縣貞觀四年以開邊屬南通州六州置都督府督戎
郎昆曲協紫盤曾鈞公分尹巨良宋摩姚徽十七州八年置撫來縣
仍改南通州為賢州以開邊來屬天寶元年改為南溪郡依舊都
督羈縻三十六州一百三十七縣並荒梗無戶口乾元元年復為戎州
舊領縣六戶三萬二千六百七十口六萬二千二十六天寶領縣五戶四千
三百五十九口一萬六千三百七十五京師西南三千一百四里至東都
四千四百八十里 犍道 漢縣犍為郡治所故犍侯國梁置戎州也
南溪 漢南廣縣屬犍為郡後周於廢郡置南武戎隋改龍源戎
又置為南溪縣也 義賓 本漢南安縣屬犍為郡隋改為郁郾縣天
寶元年改為義賓 開邊 漢犍道地隋置開邊縣也 歸順
聖曆二年分郁郾縣置以處生獠也 戎州都督府羈縻州十六武

德貞觀後招慰羗戎開置也

協州下 隋據爲郡之地古夜郎侯國武德元年開南中置也 領縣三與州同置 東安 西安 湖津 領戶三百二十九 京師西南四千里北接戎州也

曲州下 武德元年開南中置恭州八年改爲曲州 領縣二與州同置 朱提 武德元年置安上縣七年改爲朱提 唐興 領戶一千九十四 京師西南四千三百三十里北接協州

郎州下 武德元年開南中置南寧州乃立味同樂外麻同起新豐隴隄泉麻梁水降九縣武德四年置摠管府管南寧恭協昆尹曹姚西濮西宋九州五年罷摠管其年冬復置寄治益州七年改爲都督督西寧豫西利南雲磨南籠七州并前九州合十六州仍割南寧州之降縣屬西寧州八年自益州移都督於今治貞觀六年罷都督置刺史八年改南寧爲郎州也 領縣七戶六千九百四十二 京師西南五千六百七十里北接曲州也 味 隋廢同樂縣武

德元年復置改名味音味同樂外麻同起新豐隴隄泉麻
並與州同置

昆州下漢益州郡地武德初招慰置領縣四與州同置益寧
晉寧有滇池周三百里安寧秦臧漢縣領戶一千二百六十七
京師西南五千三百七十里北接雋州

盤州下武德七年開置西平州貞觀八年改爲盤州領縣三與
州同置附庸平夷盤水即舊興古郡也領戶一千九百六十
京師西南五千三十里北接郎州南接交州

梨州下武德七年析南寧州置西寧州貞觀八年改爲梨州
領縣二二縣本屬南寧梁水絳領戶一千至京師無里數北
接昆州

匡州下武德七年開置南雲州貞觀三年改爲匡州也領縣二
與州同置勃弄匡川縣界有永昌故城也領戶四千八十
京師西南五千一百六十五里

歸州下 武德四年置西濮州貞觀十二年改爲歸州也 領縣四
與州同置濮水青蛉舊屬越雋郡 歧星 銅山 領戶千
三百九十京師西南四千八百五十里南接姚州也

尹州下 武德四年置 領縣五與州同置 馬邑 天池 鹽泉
甘泉 涌泉 領戶千七百無里數接歸州

曾州下 武德四年置 領縣五與州同置 曾 三部 神泉 龍亭
長和 領戶千二百七京師西南五千二百四十五里西接匡州

鈞州下 武德七年置南龍州貞觀十年改爲鈞州也 領縣三
與州同置 望水 唐封 領戶千 京師西南五千六百五十里東

北接昆州

靡州下 武德七年置西豫州貞觀三年改爲靡州 領縣二與
州同置 磨豫 七部 領戶千二百 京師西南四千九百四十五里
南接姚州

哀州下 武德四年置 領縣二與州同置 楊彼 強樂 領戶千

四百七十一京師西南四千九百七十里南接姚州

宋州 武德四年置西宋州貞觀十年去西字 領縣三與州同

置宗居石塔河西領戶一千九百三十京師西南五千一十里北接姚州

徽州下 武德四年置利州貞觀十年改爲徽州領縣二與州同置

深利十部領戶一千一百五十京師西南四千九百七十里東接靡州

姚州 武德四年置在姚府舊城北百餘步漢益州郡之雲南縣

古滇王國楚項襄王使大將莊蹻泝沅水出苴蘭以伐夜郎屬秦

奪楚黔中地蹻無路能還蹻遂自王之秦并蜀通五尺道置吏漢

武開西南夷置益州郡雲南即屬邑也後置永昌郡雲南哀牢博

南皆屬邑也蜀劉氏分永昌爲建寧郡又分永昌建寧置雲南郡

而治於弄棟晉改爲晉寧郡又置寧州武德四年安撫大使李英

以此州內人多姓姚故置姚州管州三十二麟德元年移姚州治於

弄棟川自是朝貢不絕天寶末楊國忠用事蜀帥撫尉不謹蠻王

閣羅鳳不恭國忠命鮮于仲通興師十萬渡瀘討之大爲羅鳳所

敗鎮蜀蠻帥異牟尋歸國遂以韋臯爲雲南安撫大使命使冊拜
謂之南詔大和中杜元穎鎮蜀蠻王巂顛侵蜀自是或臣或否咸通
中結構南海蠻深寇蜀部西南夷之中南詔蠻最大也領縣一戶
三千七百至京師四千九百里瀘南縣在瀘水之南長明

右上十六州舊屬戎州都督天寶已前朝貢不絕

雋州中都督府 隋越雋郡武德元年改爲雋州領越雋卽都可
蘇邠臺登六縣二年又置昆明縣三年置摠管府管一州二年割雅
州陽山漢源二縣來屬八年又置和集縣天寶元年越雋郡依舊
都督府乾元元年復爲雋州也 舊領縣十戶二萬三千五百四十
萬三千六百一十八 天寶領縣七戶四萬七百一十一口十七萬五千二百八十
京師西南三千六百五十四里 越雋 漢郡名武帝置今縣漢卽都
縣地屬越雋郡有越水雋水後周於越城置嚴州隋改爲西寧
州尋改雋州仍分卽都置越雋縣州所治也 卽都 後漢屬越雋
郡今漢蘭縣地屬沈黎郡後周置卽都縣也 臺登 漢縣屬越

舊郡蘇祚漢蘇夷縣屬越舊郡後周平南夷於故城復置也
西瀘漢印都縣地梁置可縣隋治姜磨戎武德七年移於今天
寶末年改爲西瀘也昆明漢定祚縣屬越舊郡後周置定祚鎮
武德二年鎮爲昆明縣蓋南接池故也會川上元二年移印都
縣於會川置因改爲會川也

松州下都督府隋同昌郡之嘉誠縣武德元年置松州貞觀二
年置都督府督岨壺嵯閣隣雅叢可遠奉嚴諾我彭軌蓋首肆
位玉璋祐序等二十五羈縻等州永徽之後生羗相繼忽叛屢有廢
置儀鳳三年復加整比督文扶當祐靜翼六州都督羈縻三十八州
研州劔州探那州忙州毗州河州幹州瓊州犀州拱州龕州陪州
如州麻州霸州欄州光州至涼州越州曄州梨州思帝州戎州統
州穀印州樂客州達達州卑州慈州據天寶十二載簿松州都督
府百四州其二十五州有額戶口多但羈縻逃散餘七十九州皆生
羗部落或臣或否無州縣戶口但羈縻統之天寶元年改松州爲

交州郡乾元元年復爲松州據貞觀初分十道松文扶當悉柘靜等屬隴右道永徽之後據梁州之境割屬劍南道也舊領縣三戶六百十二口六千三百五天寶戶一千七十六口五千七百四十二南至翼州一百八十里東至扶州三百三十八里東至茂州三百里西南至當州三百里西北至吐蕃界九十里至京師二千二百五十里至東都三千五十里嘉誠歷代生羗之地漢帝招慰之置護羗校尉別無州縣至後魏時白水羗象舒活自稱至之據此地其子舒彭遣使朝貢乃拜龍驤將軍甘松縣子始置甘松縣魏末大亂又絕後周復招慰之於此置龍涸防天和六年改置扶州領龍涸郡隋改甘松爲嘉誠縣屬同昌郡武德元年於縣置松州取州界甘松嶺爲名交川後周置龍涸郡隋廢爲交川縣也平康垂拱元年割交川及當州通軌翼斜三縣置平康縣屬當州天寶元年改爲交川郡也

文州隋武都郡之曲水縣義寧二年置陰平郡領曲水長松正西

三縣武德改文州貞觀元年省正西入曲水天寶元年改爲陰平郡
乾元元年復爲文州舊屬隴右道隸松州都督永徽中改屬劍南道
也舊領縣三戶一千九百八十八千一百四十七天寶戶二千六百八十六口九
千二百五十五京師西南二千四百九十里至東都二千三百九十里曲水
漢陰平道屬廣漢晉亂楊茂搜據爲仇池互羗相傳疊代後魏
平互羗始置文州隋爲曲水縣武德後置文州治於曲水也長松
後魏置蘆北郡郡置建昌縣後周移郡縣於此置隋廢郡改縣爲
長松白馬水在縣北也

扶州 隋同昌郡武德元年改爲扶州天寶元年復爲同昌郡乾
元元年復爲扶州舊屬隴右道隸松州都督永徽後改爲劍南道
舊領縣四戶一千九百二十八口八千五百五十六天寶戶二千四百一十八
口萬四千二百八十五京師西南二千六百九十里至東都二千四百四
十九里同昌歷代吐谷渾所據西魏逐吐谷渾於此置鄧州及鄧
寧郡蓋以平定鄧至羗爲名隋初改置扶州及同昌縣煬帝又爲

同昌郡沘於此也帖夷後魏置帖夷郡隋罷爲縣萬歲通天二年改爲武進神龍依舊爲帖夷萬全後魏置武進郡又改爲上安郡隋廢郡爲尚安縣舊治刺利村長安三年移治黑水堡至德二年八月改爲萬全也鉗川後魏置鉗川郡隋罷郡復爲縣龍州下隋平武郡武德元年改爲龍門郡其年加西字貞觀元年改爲龍門州天寶元年改爲油江郡乾元元年復爲龍州舊屬隴右道永徽後割屬劔南也舊領縣二戶一千七十六千四百九十九天寶戶二千九百九十二口四千二百二十八京師西南二千六百六十里至東都三千一十五里油江秦漢曹魏爲無人之境鄧艾伐蜀由陰道景谷行無人之地七百里鑿山通道攀木緣崖魚貫而進以至江即此城也晉始置陰平郡於此置平武縣至梁有楊李二姓大豪分據其地後魏平蜀置龍州隋初廢郡改平武爲油江縣界有石門山清川後魏馬盤縣天寶元年改爲清川也

當州下本松州之道軌縣貞觀二十二年析置當州以土出當歸

爲名州治利川領通軌左封二縣顯慶二年又析左封置悉州儀鳳二年移治逢曰橋天寶元年改爲油江郡乾元元年復爲當州本屬隴右道也領縣三戶二千一百四十六千七百一十三至京師三千一百里至東都三千九百里東北到松州九百里通軌本屬松州歷代生羗之地貞觀二十年松州首領董和那蓬固守松府特勅於通軌縣置當州以蓬爲刺史顯慶元年蓬嫡子屈審襲繼爲刺史又置和利谷利平唐三縣也和利顯慶二年分通軌置谷利文明元年開生羗置也

悉州本翼州之左封縣顯慶元年置悉州領悉唐左封識曰三縣治唐咸亨元年移治左封儀鳳二年羗叛又寄治當州城內尋歸舊治垂拱二年置歸誠縣載初元年移治匪平川天寶元年改爲歸誠郡割識曰屬臨翼郡乾元元年復爲悉州舊屬隴右道松州都督後屬劍南道領縣一戶八百一十六口三千九百二十四至京師二千七百五十里至東都三千八百里至西靜州六十里西北至當

州八十里也左封本屬翼州在當州東南四十里顯慶元年生羗
首領董係比射內附乃於置悉州州在悉當川故也以董係比爲
刺史領左封歸誠二縣載初元年又移州理東南五十里匪平川
置也歸誠垂拱二年分左封置

靜州本當州之悉唐縣顯慶元年於縣置悉州咸亨元年於悉
州置翼州都督府移悉州理左封置儀鳳元年罷都督府翼州
却還治於翼斜縣於悉唐縣置南和州天授二年改爲靜州比屬
隴右道隸松州都督後割屬劔南領縣三戶一千五百七十七口六
千六百六十九東北至當州六十里東至悉州八十里至京師與當州
道里數同也悉唐縣置在悉唐川舊屬當州顯慶中來屬也
靜居縣界有靜川也

恭州下開元二十四年分靜州廣平縣置恭州仍置博恭烈山二
縣天寶元年改爲恭化郡乾元元年復爲恭州本屬隴右道後割
屬劔南領縣三戶一千八百九口六千二百二十一東至柘州二百里東

北至靜州界至京師三千一百二十里 和集舊廣平縣屬靜州開元二十四年於縣置恭州天寶元年改爲和集博恭開元二十四年分廣平置也 烈山開元二十四年分廣平置也

柘州下 永徽後置天寶元年改爲蓬山郡乾元元年復爲柘州本屬隴右道松州都督後割屬劍南也

保州下 本維州之定廉縣開元二十八年置奉州以董晏立爲刺史領定廉一縣天寶元年改爲雲山郡八載移治所於天保軍乃改爲天保郡乾元元年二月西山子弟兵馬使嗣歸誠王董嘉俊以西山管內天保郡歸附乃爲保州以嘉俊爲刺史領縣二戶二千二百四十五口四千五百三十六至京師二千九百四十里至東都三千七百九十里東至維州風流鎮四十五里也 定廉 隋置定廉鎮隋末陷羗武德七年招白苟羗置維州及定廉縣以界水名永徽元年廢鹽城併入開元二十八年改屬奉州天寶八載改爲天保郡也 歸順雲山 天寶八年分定廉置此二縣也

眞州下 天寶五載分臨翼郡之昭德雞川兩縣置昭德郡乾元元年改爲眞州取真符縣爲名也領縣三戶六百七十六口三千一百四十七至京師三千里至東都三千八百五十里 眞符 天寶五載分雞川昭德二縣置州所治也雞川先天二年割翼州翼水縣置屬翼州天寶五載改爲眞州昭德舊識曰縣屬悉州天寶元年改屬翼州仍改名昭德縣五年改屬眞州也

霸州下 天寶元年因柘附生羗置靜戎郡乾元元年改爲霸州也領縣二戶百七十一口千八百六十一至京師二千六百三十二里至東都三千二百七十一里 信安 與郡同置州所治也

已上十二州舊屬隴右道永徽已後割屬松州都督入劔南道諸州隸松州都督相繼屬劔南也

松州都督府督羈縻二十五州 舊督二百州領州無縣戶口推二十五有名額皆招撫生羗置也

岷州下 貞觀元年招慰党項置州處也 領縣二與州同置

江源 洛稽 領戶二百五十五 京師西南二千二百四十六里

懿州下 貞觀五年置西吉州八年改爲懿州 虜党項也 領縣二

與州同置 吉當唐位無戶口 至京師西南二千二百五十里也

闊州下 貞觀五年置 虜党項 領縣二 與州同置 闊源落吳

無戶口 至京師西南二千五百一十里

麟州下 貞觀五年置 西麟州 虜生羗歸附八年去西字 領縣七

與州同置 硤川和善 斂具 硤源 三交 利恭 東陵 無戶口

至京師四千五百里

雅州下 貞觀五年虜生羗置西雅州八年去西字 領縣三 與州同

置 新城 三泉 石隴 無戶口 京師西南二千六百六十里

叢州 貞觀五年党項歸附置也 領縣五 與州同置 都流厥調 倭

般 匭器 邈率鍾 並諸羗部落 遙立無縣也 寧遠 臨泉 臨河

無戶口 京師西南千八百里

可州 貞觀四年虜党項西羗八年改爲可州也 領縣三 與州同置

義誠 清化 靜方 無戶口 京師西南一千四十里

遠州 貞觀四年生羌歸附置也 領縣二與州同置 羅水 小部川 無戶口 京師西南二千三百六十里

奉州 貞觀三年處生羌置西仁州八年改爲奉州也 領縣三與州同置 奉德 思安 永慈 無戶口 京師西南二千一百六里

巖州 貞觀五年置西金州八年改爲巖州 領縣三與州同置 金池 甘松 舟巖 無戶口 京師西南二千一百里

諾州 貞觀五年處降羌置 領縣三與州同置 諾川 歸德 籬渭 無戶口 京師西南二千六百四十三里

蛾州 貞觀五年處降羌置 領縣二與州同置 常平 那川 無戶口 至京師二千七百里

彭州 貞觀三年處降党項置洪州七年改爲彭州 領縣四與州同置 洪川 歸遠 臨津 歸正 無戶口 京師西南二千七百八十里

軌州都督府 貞觀三年處党項置 領縣四與州同置 通川

王城金原 俄徹無戶口京師西南二千三百九十里

孟州 貞觀四年置西唐州八年改爲孟州處降羗也領縣四與州同置湘水河唐曲嶺枯川戶二百十無口京師西南二千六百三十里

直州 貞觀五年置西集州八年改爲直州處降羗領縣二與州同置集川新川戶百無口至京師二千五百里

肆州 貞觀五年處降羗置領縣四與州同置歸唐芳叢

鹽水磨山無戶口至京師二千六百里

位州 貞觀四年降生羗置西鹽州八年改爲位州領縣二與州同置位豐西使戶百無口至京師二千四百一十里

玉州 貞觀五年處降羗置領縣二與州同置玉山帶河戶二百十五無口至京師二千八百七十八里

嶂州 貞觀四年處降羗置領縣四與州同置洛平顯川桂川顯平戶二百無口至京師二千九百里

祐州 貞觀四年處降羗置 領縣二與州同置 廓川 歸定
無戶口 至京師二千一百九十里

臺州 貞觀六年處党項置西滄州八年改爲臺州 無縣至
京師二千一百三十五里

橋州 貞觀六年處降羗置 無縣至 京師二千四百里
序州 貞觀十年處党項置 無縣至 京師二千四百里

右二十五州舊屬隴右道隸松州都督府貞觀中招慰党項羗
漸置永徽已後羗戎叛臣制置不今存招降之始以表太平之所至也
嶺南道

南海節度使領是十七州也

廣州中都督府 隋南海郡武德四年討平蕭銑置廣州總管府
管廣東衛涯南綏岡五州并南康總管其廣州領南海增城清遠
政賓寶安五縣六年又置高循二總管隸廣州七年改總管爲大都
督九年廢南康都督以端封宋涯瀧建齊威扶義勤十州隸廣府

其年又省勤州貞觀改中都督府省威齊宋涇四州仍以廢涇州
之值陽含臣二縣來屬改東衡爲韶州仍以南康州及崖州都督
並隸廣州二年省循州都督以循潮二州隸廣府八年改建州爲
樂州南波州爲涇州扶風州爲賓州十三年改南康州十三年省
涇州以四會化蒙懷集清安四縣來屬省岡州以義寧新會二縣並
屬廣州其年又以義寧新會二縣立岡州今督廣韶端康封岡雜
藥隴賓義雷循潮十四州永徽後以廣桂容邕安南府皆隸廣府
都督統攝謂之五府節度使名鎮南五管天寶元年改爲南海郡
乾元元年復爲廣州州內有經略軍管鎮兵五千四百人其衣糧
輕稅本道以自給廣州刺史充鎮南五府經略使舊領縣十戶
一萬二千四百六十三口五萬九千一百二十四天寶領縣十三戶四萬二千
二百三十五京師東南五千四百四十七里至東都四千九百里南海
五嶺之南漲海之北三代已前是爲荒服秦滅六國始開越置三郡
曰南海桂林象郡以謫戍守之秦亡南海尉任囂病且死召南海

龍川令趙他付以尉事他乃聚兵守五嶺擊并桂林象郡自稱南
越武王子孫相傳五代九十三年漢武帝命伏波將軍路博德樓船
將軍楊僕兵踰嶺南滅之其地立九郡曰南海蒼梧鬱林合浦交
趾九真日南儋耳珠崖後漢廢珠崖儋耳合浦郡交州刺史領
七郡而已今南海縣即漢番禺縣南海郡隋分番禺置南海縣番山
在州東三百步禺山在北一里貪泉州西三十里越王井州北四里
番禺漢縣名秦屬南海郡漢置交州領郡七吳置廣州皆治
番禺也增城後漢番禺縣地吳於縣置東官有增江四會漢
縣屬南海武德五年於縣治北置南浚州領四會化蒙新招化穆化注
五縣貞觀元年省新招化注二縣以廢威州之懷集廢齊州之隋
安二縣來屬八年改爲潯州十三年省州及化穆縣以四會化蒙
懷集潯安四縣屬廣州也化蒙隋縣武德五年屬南浚州貞
觀元年省化注入八年改浚州爲潯州縣仍屬十三年改屬廣州
懷集晉懷化縣隋爲懷集武德五年於縣置威州領興平懷集

霍清威成四縣貞觀元年州廢以懷集屬南浚省興平霍清威成
三縣八年改浚州為涇州縣仍屬十三年屬廣州東官 隋寶安
縣至德二年九月改為東莞郡於嶺外其為名也 清遠 隋縣武
德六年廢故賓縣併入所治也 泮水 漢封陽縣屬蒼梧郡南齊
改為泮安武德四年於縣置齊州領泮安宜樂宋昌三縣貞觀元
年省齊州及安樂宋昌二縣以泮安屬浚州八年改浚州為涇州縣
乃屬十三年涇州廢屬賓川至德二年九月改為泮水也 涇陽
漢縣屬桂陽郡隋為宜陽五年屬涇州貞觀初州廢改真陽涇陽
屬廣州涇山在縣北三十里 音貞

韶州 隋南海郡之曲江縣武德四年平蕭銑置番州領曲江始興
樂昌臨瀛良化五縣貞觀元年改為韶州仍割涇州之翁源來屬
八年廢臨瀛良化二縣天寶元年改為始興郡乾元元年復為韶州
舊領縣四戶六千九百六十口四萬四百一十六 天寶領縣六戶三萬二千口十
六萬八千九百四十八南至廣州八百里西至郴州五百里東南至虔

州七百里至京師四千九百三十二里至東都四千一百四十二里

曲江漢縣屬桂陽郡在曲江川州所治也始興漢南野縣地屬豫章郡孫皓分南康郡之南鄉始興縣縣界東嶠一名大庾嶺南越之北塞漢討南越時有將軍姓庾城於此五嶺之最東故曰東嶠也樂昌隋置翁源翁水在縣界隋縣武德五年置溫州貞觀初廢以屬韶州仁化洵昌已上三縣天寶後新置

循州隋龍川郡武德五年改爲循州摠管府管循湖二州循州領歸善河源博羅興寧海豐羅陽省龍川歸善石城入河源齊昌入興寧二年廢都督府天寶元年改爲海豐郡乾元元年復爲循州舊領縣五戶六千八百九十二口三萬六千四百三十六天寶領縣六戶九千五百二十五無口數南至廣州四百里東至湖州五百一十七里北至虔州隔山嶺一千六百五十里至東都四千八百里歸善秦漢龍川縣地屬南海郡宋置歸善縣縣界羅浮山湖中有白貞觀元年省龍川縣併入博羅漢舊縣屬南海郡也河源隋縣循江一名河

源水自虔州雩都縣流入龍川在河源縣云有龍穿地而出即水流漢因置龍川縣貞觀元年省西城併入海豐宋縣屬東官郡南海豐縣南五十里即漲海渺漫無際武德五年分置陸安縣貞觀初併入也興寧漢龍川縣地貞觀元年省齊昌併入雷鄉新置岡州隋南海郡之新會縣武德四年平蕭銑置岡州領新會封平義寧三縣貞觀五年州廢以新會義寧屬廣州省封平封樂二縣其年又立南州割廣州之新會義寧來屬又立封樂縣天寶元年改爲義寧郡乾元元年復爲岡州也舊領縣三戶二千三百五十八口六百六十二天寶戶五千六百五十無口數京師西南六千三百五里新會漢南海縣地晉置新會郡改置封州又改爲元州又改爲岡州隋末廢併入廣州武德四年復爲岡州舊治盆源城貞觀十三年廢岡州縣屬廣州其年復置州於今治也義寧漢番禺縣地宋置義寧縣屬新會郡

賀州隋蒼梧郡之臨賀縣武德四年平蕭銑置賀州天寶元年

改爲臨賀郡乾元元年復爲賀州也 舊領縣五戶六千七百一十三口萬八千六百二十八 天寶領縣六戶四千五百無口數 京師東南四千一百三十里至東都三千五百七十二里東南至廣州八百七十六里東至連州二百六十里南至封州三百六十六里北至道州四百里北至富州三百二十里西南至梧州四百三十二里也 臨賀州所治漢縣屬蒼梧郡臨賀水吳置臨賀郡宋改爲臨慶國齊復爲臨賀郡隋置賀州隋末廢爲縣武德四年復置賀州 桂嶺 漢臨賀縣地隋舊也 馮乘 漢縣屬蒼梧郡有荔平關 封陽 漢縣屬蒼梧郡 富川 漢富川縣天寶改爲富水後復爲富川也 蕩山 新置

端州 隋信安郡武德元年置端州領高要樂城銅陵平興博林五縣其年以樂城屬康州銅陵屬春州七年置清泰縣貞觀十三年省博林清泰三縣天寶元年爲高要郡乾元元年復爲端州

舊領縣三戶四千四百九十二萬四千三百三 天寶戶九千五百三萬一千二百二十 東至廣州二百四十里南至新州二百四十里西至康州一百

六里至京師四千九百三十五里至東都四千七百里高要州所治漢縣屬蒼梧郡宋齊屬南海郡陳置高要郡隋置端州縣北五里有石室山縣西有鵠奔亭即漢交州刺史行部到鵠亭夜女子鬼訴冤之亭平興漢高要縣地隋分置武德七年分置清泰縣貞觀十三年省清泰併入

新州隋信安郡之新興縣武德四年平蕭銑置新州天寶元年改爲新昌郡乾元元年復爲新州舊領縣四戶七千三百八十八口三萬五千二十五天寶領縣三戶九千五百東至廣州義寧縣四十一里北至端州一百四十里西北至康州二百七十里西南至勤州一百七十里至京師五千五百里至東都五千里新興漢臨元縣屬合浦郡晉置新寧郡梁置新州索盧武德四年析新興縣置永順新置康州隋信安郡之端溪縣武德四年置康州都督府督端康封新宋隴等州九年廢都督府及康州貞觀元年又置南康州十年廢十二年又置康州天寶元年改爲晉康郡乾元元年復爲康州

舊領縣四戶四千二百二十四口萬三千五百四 天寶戶一萬五百一十
口萬七千二百一十九東北至廣州三百四十里西南至梧州二百八十
四里東至端州一百六十里南至隴州二百三十里西至封州一百三十
里南至新州二百七十里至京師五千七百五十里至東都五千一百五里
端溪漢縣屬蒼梧郡晉於縣分置晉康郡隋廢郡併入信安郡
武德復置康州縣界有端山山下有溪也 晉康 隋遂安縣至德
二年改爲晉康縣 悅城隋樂城縣武德五年屬端州又割屬康
州改爲悅城 都城漢端溪縣東百步有程溪亦名零溪溫姬養
龍之溪也

封州下 隋蒼梧郡之封川縣武德四年平蕭銑置封州天寶元
年改爲臨封郡乾元元年復爲封州 舊領縣四戶二千五百五十五
口萬三千四百七十七 天寶領縣二戶三千九百口千八百二十七 東北
至廣州九十五里西北至梧州五十五里東至康州二百三十里北至
賀州三百六十六里至京師水陸四千五百一十里也 封川州所治

漢廣信縣地屬蒼梧郡在封水之陽梁置梁信郡隋平陳改爲成州又改爲封州隋末州廢爲封川縣屬蒼梧郡武德初置封州隋移州於封川口即今縣治也 關建 漢封陽縣地屬蒼梧郡隋舊也

瀧州 隋永熙郡之瀧水縣武德四年平蕭銑置瀧州天寶元年改爲開陽郡乾元元年復爲瀧州 舊領縣四戶三千六百二十七口九百三十九 天寶領縣五 瀧水州所治漢端溪縣地屬蒼梧郡晉分端溪立龍鄉即今州治梁分廣熙郡置建州又分建州之雙頭洞立雙州隋改龍鄉爲平原縣又改爲瀧水 關陽 隋廢縣武德四年分瀧水置 永寧 武德四年於安遂縣置藥州領安遂永寧安南永業四縣貞觀中廢藥州以永寧屬瀧水本隋永熙縣武德五年改爲永寧 鎮南 隋安南縣至德二年九月改爲鎮南 建水 新置恩州 隋高梁郡武德四年平蕭銑置高州都督府管高春羅辨雷崖儋新八州七年割崖儋雷新屬廣州貞觀二十三年廢

高州都督府置恩州天寶元年改爲恩平郡乾元元年復爲恩州
內有青海軍管戍兵三千人也領縣三戶九千無口數京師東南
六千五百里西北六十里接廣州界恩平州所治漢合浦郡也隋
置海安縣武德五年改爲齊安至德二年九月改爲恩平也杜陵
隋杜縣武德五年改爲杜陵也陽江隋舊置也

春州隋高梁郡之陽春縣武德四年平蕭銑置春州天寶元年
改爲南陵郡乾元元年復爲春州舊領縣三戶五千七百十四口二萬
一千六十一天寶領縣三戶一萬二千二百一十八京師東南六千四百四十
八里東至廣州六百四十二里南至州九十三里西至高州三百三十里
東北至新州二百六里西北至瀧州界也陽春州所治漢高縣
地屬合浦郡至隋不改也羅水天寶後置

高州隋高涼郡舊治高涼縣後改爲西平縣貞觀二十三年分
西平杜陵置恩州高州移治良德縣天寶元年改爲高梁郡乾元
元年復爲高州領縣三戶一萬二千四百西北至賓州九十二里北至

瀧州界三百五十里西南至藩州九十里東至春州三百三十里至京師六千二百六十二里至東都五千五百三十里 良德 漢合浦縣地屬合浦郡吳置高梁郡宋齊不改 雷白 梁置雷白郡隋改爲縣也 保定 舊保安縣至德二年改爲保定

藤州下 隋永平郡武德四年置藤州領永平猛陵安基武林隋建陽安並寧戎城寧人淳人大賓貧川十二縣貞觀七年以武林屬潯州安普屬鸞州普寧屬容州八年以猛陵屬梧州十二年以隋建屬龍興州天寶元年改爲感義郡乾元元年復爲藤州也

舊領縣六戶九千二百三十六口一萬三百七十二 天寶領縣三戶三千九百八十 去京師五千五百九十六里去東都五千二百里南至義州三百里西至龍興州一百四十九里北至梧州九十七里 鐔津 漢猛陵縣屬蒼梧郡晉置永平郡隋置藤州及鐔津感義義昌本安昌縣至德二年九月改爲義昌

義州下 隋永熙郡之永業縣武德五年置南義州及四縣貞觀

元年州廢以所領縣入建州二年復置義州還以故縣來屬五年廢義州縣屬南建州六年復置義州又改縣來屬天寶元年改爲連城郡乾元元年復爲義州 舊領縣四戶三千二百二十五無口 天寶領縣三戶千一百一十口七千三百三 至京師五千七百五十里至東都四千六百九十里東至梧州隔鄧嶺一百七十里北至藤州二百里西至容州九十里東南至賓州一百七十二里東北至隴州二百七十里 岑溪州所治漢猛城縣屬蒼梧郡武德四年置龍城縣置南義州貞觀初廢二年復置義州領龍城安義連城義城四縣至德中改安城爲永業龍城爲岑溪 永業舊安義縣至德年改 連城 武德五年分隴州之正義縣置

賓州下 隋永熙郡懷德縣武德四年置南扶州及五縣以獠反寄隴州貞觀元年廢以所管縣並屬隴州二年獠平復置南扶州自隴州還其故縣五年復廢縣隸龍州六年復置以故縣來屬其年改南扶爲賓州天寶元年改爲懷德郡乾元元年復爲賓州

舊領縣五戶三千五百五十 天寶領縣四戶一千二十九 至京師水陸
六千一百二里至東都水陸五千四百里西至容州二百里東至隴州
一百八十里南至潘州一百五十里東南至高州九十二里北至義州二
百三十里西南至禹州一百九十里 信義 漢端溪縣地屬蒼梧隋爲
懷德縣武德四年析懷德縣置信義縣仍置南扶州貞觀中改爲
賓州取州界有羅賓洞爲名也 懷德 本屬隴州後來屬也
潭峩 武德四年分信義縣置也 恃亮 武德四年分信義置
勤州 隋信安郡之高梁縣地武德四年置勤州隸南康州摠管
九年改隸廣州其年廢縣屬春州後置勤州以銅陵來屬仍析
置富林縣 領縣三戶六百八十二口千九百三十三 至京師五千三百九
十里至東都五千里東至新州一百七十里西至隴州二百六十里南
至廣州六百三十五里西北至康州二百七十三里 富林州所治析銅
陵置 銅陵 漢九吳縣地屬合浦郡宋立隴潭縣隋改爲銅陵以
界內有銅山也

桂管十五州在廣州西

桂州下都督府 隋始安郡武德四年平蕭銑置桂州摠管府管
桂象靜融賀樂荔南昆龍九州并定州一摠管其桂州領始安福祿
純化興安臨源永福陽朔歸義宣風象十縣尋改定州爲南尹州
其年又置欽州摠管隸桂府五年置南恭鸞梧三州隸桂府九年
置晏州隸桂府貞觀元年以欽玉南亭三州隸桂府二年省玉州南
亭州五年置賓州隸桂府六年又以尹藤越白相繡鬱姜南宏南方
南簡南晉十二州隸桂府其年置龔州都督亦隸桂府其年廢龍
鬱三州八年改越州爲廉州南簡爲橫州南方爲登州南宏爲潘
州南晉爲邕州尹州爲貴州靜州爲富州樂州爲昭州南昆爲柳
州銅州爲容州廢福祿歸義二縣十年廢姜州十二年廢晏州以
建陵縣來屬廢荔州以荔浦崇仁二縣來屬省宣風縣令督桂昭
賀富梧藤容潘白廉繡欽橫邕融柳貴十七州天寶元年改爲始
安郡依舊都督府至德二年九月改爲建陵郡乾元元年復爲桂州

刺史充經略軍使管戍兵千人衣糧稅本管自給也舊領縣十戶三萬二千七百八十一口五萬六千五百二十六天寶領戶二萬七千五百七萬二千一百一十八至京師水陸路四千七百六十里東都水陸路四千四十里東至道州五百里西至容州四百九十三里南至昭州二百一十里北至邵州六百八十五里東南至賀州五百三十里西南至柳州八百里東北至永州五百五十里臨桂州所治漢始安縣地屬零陵郡吳分置始安郡宋改為始建國南齊始安郡梁置桂州隋末復為始安郡江源多桂不生新米故秦時立為桂林郡也理定漢始安縣隋分置興安近改為理定靈川武德四年分始安置陽朔隋舊貞觀元年廢歸義縣併入荔浦漢縣屬蒼梧郡武德四年置荔浦建陵隨化棠仁純義五年以隨化屬南恭州貞觀元年以建陵屬晏州十三年廢荔州以荔浦崇仁屬桂州純義屬象州也豐水舊永豐縣元和初改為豐水縣脩仁隋置建陵縣貞觀元年於縣置晏州領武龍建陵二縣十二年廢晏州及武龍縣以建

陵屬桂州長慶元年改爲脩仁縣恭化武德四年分始安置純
化縣元和初改爲恭化也永福武德四年分始安置臨源武德
四年分始安置全義新置

昭州隋始安郡之平樂縣武德四年平蕭銑置樂州領平樂永
豐恭城沙亭四縣貞觀七年省沙亭縣八年改爲昭州以昭岡潭
爲名天寶元年改爲樂平郡乾元元年復爲昭州也舊領縣三
戶四千九百一十八口萬二千六百九十一天寶戶三千五百至京師四
千四百三十六里至東都四千二百一十九里西至桂州二百二十里東
北至道州四百里北永州六百三十九里南至富州二百六十六里也
平樂州所治漢荔浦地屬蒼梧郡晉置平樂縣貞觀二年省
沙亭併入也恭城武德四年析平樂置永平隋縣舊屬藤州
富州下隋始安郡之龍平縣武德四年平蕭銑置靜州領龍平
博勞歸化安樂開江豪靜蒼梧七縣尋又分蒼梧豪靜開江三縣
置富州九年省安樂縣貞觀八年改爲富州以富川水爲名天寶

元年改爲開江郡乾元元年復爲富州 舊領縣三戶三千三百四十九口四千三百一十九 天寶戶一千二百九十 至京師五千一百三十里至東都四千八百五十里西北至桂州界八十里東南至梧州界九十里北至昭州一百六十六里也 龍平 漢臨賀縣地屬蒼梧郡 吳置臨賀郡梁分臨賀置南靜郡又改爲靜州改南靜郡爲龍平縣貞觀八年改爲富州以富川水爲名也 思勤 新置 馬江 隋開江縣長慶元年改爲馬江皆漢臨賀縣地

梧州下 隋蒼梧郡武德四年平蕭銑置梧州領蒼梧蒙靜開江三縣貞觀八年割藤州之孟陵賀州之綏越來屬十二年廢蒙靜縣天寶元年改爲蒼梧郡乾元元年復爲梧州也 舊領縣四戶三千八十四口五千四百二十三 天寶領縣三戶五千 至京師五千五百里至東都五千一百里東至封州八十里東北至賀州四百十里北接富州界正西至藤州一百九十里 蒼梧 漢蒼梧郡治廣信縣 即今治隋立蒼梧縣於此置郡 戎城 隋縣舊屬藤州今來屬

孟陵 漢猛陵縣屬蒼梧郡

蒙州 隋始安郡之隨化縣武德四年置南蒙州割荔州之立山東區純義三縣分置嶺政縣貞觀八年改爲蒙州取州東蒙山爲名十二年省嶺政入立山天寶元年改爲蒙山郡乾元元年復爲蒙州 舊領縣三戶一千六十九 天寶戶千五十九 至京師五千一百里至東都四千七百里南至桂州二百四十九里東至富州九十七里西南至象州一百七十六里 立山 州所治漢荔浦縣屬蒼梧郡隋分荔浦置隨化縣武德四年改爲立山於縣置荔州尋改爲恭州貞觀八年改爲蒙州州東蒙山山下有蒙水居人多姓蒙故也東區武德五年分立山置屬荔州貞觀六年屬焉州十年改爲蒙州正義 貞觀五年置純義縣屬荔州乾元初改爲正義也

龔州下 隋永平郡之武林縣貞觀三年置焉州七年移焉州於今州東仍於焉州之舊所置龔州都督府督龔潯蒙賓澄焉七州割藤州之武林焉州之秦川來屬又立南平西平歸政大同四縣

十二年廢潯州以桂平陵江大賓皇化四縣來屬其年省秦川入南平省陵江入桂平省歸政入西平又割藤州之隋建來屬天寶元年改爲臨江郡乾元元年復爲龔州舊領縣八戶一萬三千八百二十一口萬一千二百二十八天寶領縣六戶九千口二萬一千至京師五千七百二十里至東都五千三百六十一里東至藤州一百四十九里南至繡州九十五里西至潯州一百三十里北至蒙州二百四十里南平州所治漢猛陵縣地屬蒼梧郡晉分蒼梧置永郡乃置武城縣貞觀七年分置南平縣後自武林移龔州治於此也武林猛陵縣地隋分置武林縣屬藤州貞觀七年屬龔州隋建猛陵縣地武德年屬藤州貞觀年屬龔州也大同貞觀元年分置陽川本陽建縣後改爲陽川也

潯州下 隋永平郡之桂平縣貞觀七年置潯州領桂平陵江大賓皇化四縣十二年廢潯州以四縣屬龔州後復置潯州以桂平大賓皇化來屬又省陵江入桂平天寶元年改爲潯江郡乾元元年復爲

潯州也舊領縣三戶二千五百口六千八百三十六至京師五千九百六十里至東都五千七百里東至龔州一百三十里西至潯州二百五十里西南至貴州一百五十里西北至蒙州三百六十里西南接鬱林州界桂平漢布山縣鬱林郡所治也隋爲桂平縣武德年屬貴州貞觀初屬龔州七年屬潯州十二年州廢屬龔州復置潯州

宣化漢河林縣屬鬱林郡隋置皇化縣後廢貞觀六年復置屬潯州州廢屬龔州又復屬潯州

鬱林州下隋鬱林郡之石南縣貞觀中置鬱林州領石南興德天寶元年改爲鬱林郡乾元元年復爲鬱林州也領縣五戶一千九百一十八口九千六百九十九至京師五千五百七十里至東都五千一百六十里東至平琴州九十里南至牢州一百一里西南至昭州一百一十里北至貴州一百五十里石南州所治漢鬱林郡之地梁置定州隋改尹州煬帝爲鬱林郡皆治於此陳時置石南郡隋改爲縣也鬱林隋縣屬貴州後來屬興業興德武德四年分鬱林置

譚栗

平琴州下 漢鬱林郡地唐置平琴州無月年領縣四天寶元年
改爲平琴郡乾元元年復爲州建中併入黨州今存 領縣四戶一
千二百七十四 至京師六千四百八十里至東都五千八百三十里西至鬱
林州九十里東南至牢州一百十里北至貴州一百五十里北至繡州
九十二里東至黨州二十二里 容山州所治本名安仁至德年改也
懷義 福陽 古符 三縣與州同置

賓州下 隋鬱林郡之嶺方縣貞觀五年析南方之嶺方思干瑯
瑯南尹州之安縣置賓州十二年省思干縣天寶元年改爲安城
郡至德二年九月改爲嶺方郡乾元元年復爲賓州 舊領縣三戶
七千四百八十五 天寶戶一千九百七十六口八千五百八十 至京師四千
三百里至東都四千一百里南至溥州三百里東南至貴州一百七十里
西至邕州二百五十七里東南至蒙州三百二十里西北至澄州一百二
十里也 嶺方 漢縣屬鬱林郡武德四年屬南方州貞觀五年改

爲賓州瑯琊武德四年析嶺方縣置保城梁置安城縣至德二年改爲保城也

澄州下隋鬱林郡之嶺方縣地武德四年平蕭銑置南方州領無虞瑯琊思干上林止戈賀水嶺方七縣貞觀五年以上林止戈瑯琊領方屬賓州八年改南方州爲澄州天寶元年改爲賀水郡乾元元年復爲澄州舊領縣四戶一萬八百六十八天寶後戶二千三百六十八口八千五百八十至京師四千六百里至東都四千三百里南至邕州三百里北至賓州四百三十里東南至賓州一百二十里西至古州五百七十九里上林州所治漢嶺方縣地武德四年析置上林縣也無虞武德四年析嶺方置賀水武德四年析柳州馬平縣置繡州下隋鬱林郡之阿林縣武德四年置林州領常林阿林皇化歸誠羅繡盧越等縣六年改爲繡州貞觀六年省歸誠盧越七年以皇化屬潯州天寶元年改爲常林郡乾元元年復爲繡州領縣三戶九千七百七十三至京師六千九十里至東都五千五百里南

至黨州五十里北至貴州一百里也 常林 漢阿林縣地屬鬱林
郡武德四年析貴州之鬱平縣置林州及常林縣貞觀六年省歸
誠縣入常林縣移治廢歸誠縣故城又改林州爲繡州 阿林 漢縣
屬鬱林郡 羅繡 武德四年析阿林置

象州下 隋始安郡之桂林縣武德四年平蕭銑置象州領陽壽西
寧桂林武仙武德五縣貞觀十三年省西寧縣割廢晏州武化長風
來屬天寶元年改爲象山郡乾元元年復爲象州 舊領縣六戶
一萬二千八百四十五口一萬二千五百二十一 天寶領縣三戶五千五百口一
萬八百九十 至京師四千九百八十九里北至桂州四百里東至象州
一百七十六里南至費州三百里西北至柳州二百里東南至潯州三
百六十里西南至嚴州二百九十里也 武化 州所治漢潭中縣地
屬鬱林郡隋建陵縣屬桂州武德四年析建陵置武化縣屬晏
州貞觀十二年廢晏州來屬仍自武德縣移象州於縣置非秦之象
郡秦象郡今合浦縣 武德 漢中潯縣地屬鬱林郡吳於縣置鬱

林郡仍分中溜置桂林縣武德四年改爲武德於縣界置象州

陽壽隋縣武仙武德四年析桂林置

柳州隋始安郡之馬平縣武德四年平蕭銑置昆州領馬平新平
文安賀水歸德五縣其年改歸德爲脩德改文安爲樂沙仍加昆
州爲南昆州八年以賀水屬澄州貞觀七年省樂沙入新平縣以
廢龍州之龍城來屬八年改南昆爲柳州九年置崖山縣十二年省
新平入馬平天寶元年改爲龍城郡乾元元年復爲柳州以州界
柳嶺爲名舊領縣四戶六千六百七十四口七千六百三十七天寶
領縣五戶二千二百三十二口萬二千五百五十至京師水陸相乘五
千四百七十里至東都水陸相乘五千六百里東至桂州四百七里
至粵州二百九十里北至融州二十里東南至象州二百里北至柳州
三十里馬平州所治漢潭中縣地屬鬱林郡隋置馬平縣武德
四年於縣置昆州又改爲柳州也龍城隋縣武德四年置龍州
領龍城柳嶺二縣貞觀七年廢龍州省柳嶺縣象貞觀中置

洛曹 舊洛封縣元和十三年改 洛容 皆漢潭州地貞觀後析置
融州下 隋始安郡之義熙縣武德四年平蕭銑置融州復開皇舊
名領義熙臨泮黃水安脩四縣六年改義熙爲融水貞觀十三年
省安脩入臨泮天寶元年改爲融水郡乾元元年復爲融州
舊領縣三戶二千七百九十四口三千三百三十五 天寶戶一千二百三十二
至京師五千二百七十里至東都四千四百七十里東至桂州四百九十
一里南至柳州三十里至武零山二百里也 融水 漢潭中地與柳
州同隋置義熙縣武德四年改爲融水州所治也 武陽 舊黃水
臨泮二縣析融水置後併入改爲武陽

邕管 十州在桂府西南也

邕州下都督府 隋鬱林郡之宣化縣武德四年置南晉州領宣
化一縣貞觀六年改爲邕州都督府天寶元年改爲朗寧郡乾元元
年復爲邕州上元後置經略使領邕貴黨橫等州後又罷長慶二
年六月復置經略使以刺史領之刺史充經略使管戍兵一千七百

人衣糧稅本管自給 舊領縣五戶八千二百二十五 天寶後戶
三千八百九十三口七千三百二 至京師五千六百里至東都五千三
百二十七里東南至欽州三百五十里東北至賓州二百五十里西南
至羈縻左州五百里 宣化 州所治漢嶺方縣地屬鬱林郡秦
爲桂林郡地驩水在縣北本牂牁河俗呼鬱狀江即駱越水也亦
名溫水古駱越地也 武緣 隋廢縣武德五年復置也 晉興
晉於此置晉興郡隋廢爲縣 郎寧 武德五年分置 思龍
如和 封陵 三縣開碓洞漸置也

貴州下 隋鬱林郡武德四年平蕭銑置南尹州惣管府管南尹
南晉南簡南方藤南容越繡九州南尹州領鬱林馬嶺安城鬱
平石南桂平嶺山興德湖水懷澤十一縣五年以桂平屬鸞州嶺
山屬南橫州貞觀五年以安城屬賓州七年罷都督九年改南
尹爲貴州天寶元年改爲懷澤郡乾元元年復爲貴州也 舊
領縣八戶二萬八千九百三十口三萬一千九百九十六 天寶後縣四戶

三千二十六口九千三百 至京師五千三百八十里至東都五千二百二十里東至繡州一百里南至鬱林州一百五十里西至橫州二百里北至象州三百里西南至賓州九十四里東北至潯州一百五十里

鬱平 漢廣鬱縣地屬鬱林郡古西甄駱越所居後漢谷永爲鬱林太守降烏諱人十萬開七縣即此也烏諱之俗男女同川而浴生首子食之云宜弟娶妻美讓兄相習以鼻飲秦平天下始招慰之置桂林郡漢改爲鬱林郡地在廣州西南安南府之地邕州所管郡縣是也隋分鬱平縣鬱江在州東也 懷澤 宋廢縣武德四年又置也 潮水 武德四年分鬱林置 義山 新置

黨州下 古西甄所居秦置桂林郡漢爲鬱林郡唐置黨州失起置年月與平琴州同土俗西至平琴治所二十二里天寶元年以黨州爲寧仁郡乾元元年復爲黨州建中二年二月廢平琴州併入 領縣四戶一千三百口七千四百 京師地理與平琴州同南至牢州一百里北至繡州五十里東南至容州一百五十里北接繡州界

百餘里也

橫州下 隋鬱林郡之寧浦縣武德四年置簡州領寧浦樂山蒙
澤淳風嶺山五縣六年改爲南簡州貞觀八年改橫州天寶元年
改爲寧浦郡乾元元年復爲橫州也 舊領縣四戶一千二百二十八口
一萬七百三十四 天寶領縣三戶一千九百七十八口三千三百四十二至京
師五千五百三十九里至東都四千七百五里南至欽州三百五十里西
至巒州一百五十里北至貴州二百六十里也 寧浦 州所治漢廣鬱
縣地屬鬱林郡吳分置寧浦郡晉宋齊不改梁分置簡陽郡隋
平陳陳郡並廢置簡州又改爲緣州煬帝廢州置寧浦縣鬱林
郡武德復置改爲橫州 從化 漢高梁縣地屬合浦郡武德四年
分寧浦置淳風縣貞觀元年改爲從化也 樂山 漢高梁縣地
隋置樂山縣

田州 土地與邕州同失廢置年月疑是開元中置天寶元年改爲
橫山郡乾元元年復爲田州 舊領縣五戶四千一百六十八舊圖無

四至州郡及兩京道里數 都救 惠往 武籠 橫山 如賴
並與州同置也

嚴州 秦桂林郡地後爲獠所據乾封元年招致生獠置嚴州及
三縣天寶元年改爲脩德郡乾元元年復爲嚴州 領縣三戶千
八百五十九口七千五十一 至京師五千三百二十七里至東都四千八
百九十三里東北至柳州二百四十里東南接象州界西北接澄州
界也 夾賓州所治也 循德 歸化 與州同置

山州 失起置年月天寶元年改爲龍池郡乾元元年復爲山州
領縣二戶一千三百二十 無四至及京洛里數 龍池州所治也 盆山

巒州 秦桂林郡唐置淳化失起置年月天寶元年改爲永定郡
乾元元年復爲淳州永貞元年改爲巒州也 領縣三戶七百七十

口三千八百三 至京師五千三百里至東都四千九百里南至橫州二百
四十里西至邕州三百里北至賓州二百五十五里 永定州所治也

武羅 靈竹 二縣與州同置

羅州 隋高涼郡之石龍縣地武德五年於縣置羅州領石龍吳川陵羅果龍辯南河石城招義零緣慈廉羅肥十一縣六年移羅川於石城縣於舊所置南石州割石龍陵羅龍化羅辯慈廣羅肥屬南石州天寶元年改羅州爲招義郡乾元元年復爲羅州舊領縣五戶五千四百六十八千四十一至京師六千五百二十二里至東都五千七百五里東至大海一百三十九里南至雷州二百五十里西至廉州二百五十里北至辨州一百五十里西南至零緣縣大海一百二十里西北至白州二百三十里東北至新州五十里石城州所治漢合浦郡地宋將檀道濟於陵羅江口築石城因置羅州屬高涼郡唐復置羅州於縣 吳川 隋縣 招義 武德五年析石龍縣置也 南河 武德五年析石龍縣置也

潘州下 隋合浦郡之定川縣武德四年置南石州領南昌定川鄰川思城溫水宕川六縣治南昌縣貞觀六年移治定川八年改爲潘州仍廢思城縣天寶元年改爲南潘郡乾元元年復爲潘州也

舊領縣五戶一萬七百四十八 天寶後領縣三戶四千三百口八千九百六十七至西京七千一百六十一里至東都六千三百八十九里至高州九十里南至大海五十六里辯州一百二十里北至寶州一百五十一里 按名 州所治古西甄駱越地秦屬桂林郡漢爲合浦郡之地隋治定川縣武德四年平嶺表於縣置宕州改爲潘州仍改縣茂名也 南巴 隋廢縣武德五年置 潘川 以縣水爲名武德五年分置也

容管 十州在桂管西南也

容州下都督府 隋合浦郡之北流縣武德四年平蕭銑置銅州領北流豪右宕昌謂龍南流陵城普寧新安八縣貞觀元年改爲容州以容山爲名十年省新安縣開元中外爲都督府天寶元年改爲普寧郡乾元元年復爲容州都督府仍舊置防禦經略招討等使以刺史領之刺史充經略軍使管鎮兵一千二百人衣糧稅本管自給 舊領縣七戶八千八百九十 天寶後領縣五戶四千九百七十

口萬七千八十七 至京師五千九百一十里至東都五千四百八十五里
東至藤州二百五十九里南至賓州二百里西至禺州十五里北至
龍其州三百里西至隋建縣一百九十里西北至黨州一百五十里東
北接義州界 北流 州所治漢合浦縣地隋置北流縣縣南三
十里有兩石相對其間闊三十步俗號鬼門關漢伏波將軍馬援討
林邑蠻路由於此立碑石龜尚在昔時趨交趾皆由此關其南尤
多瘴癘去者罕得生還諺曰鬼門關十人九不還其土少鐵以鑿
石燒爲器以烹魚鮓北人名五候焦石一經火久之不冷即今之滑
石也亦名冷石也 普寧隋置 陵城 武德四年析北流置 謂龍
武德四年析普寧置 欣道 新置

辯州下 隋高涼郡之石龍縣武德五年置羅州移治石城於舊
所置南石州領石龍陵羅龍化羅辯慈廉羅肥六縣貞觀九年改
南石州爲辯州省慈廉羅肥二縣天寶元年改陵水郡乾元元
年復爲辯州也 舊領縣四戶一萬三百五十 天寶後領縣三戶四

千八百五十八口一萬六千二百九 至京師五千七百一十八里至東都五
千三百七十里東至廣州一千一百四十四里南至羅州吳川縣界五十
里南至白州博白縣二百三十里北至禺州三百八十二里南至潘州
四十里西南至羅州二百五十里西北至白州三百里 石龍 州所
治漢高涼縣地屬合浦郡秦象郡地武德五年屬羅州六年改屬
潯州陵羅武德五年置羅州六年改爲南石州也 龍化 武德五
年分置也

白州下 隋合浦郡之合浦縣地武德四年置南州領博白郎平周
羅龍豪淳良建寧六縣六年改爲白州貞觀十二年省郎平淳良二
縣天寶元年改爲南昌郡乾元元年復爲白州 舊領縣四戶八千
二百六 天寶領縣五戶二千五百七十四口九千四百九十八 至京師六
千一百七十五里至東都五千九百一十九里東至潯州二百里南至羅
州二百二十里西至州界郎平山八十里北至牢州一百里西南至廣州
二百里東北至禺州二百里 博白 州所治漢合浦縣地屬合浦

郡武德五年析合浦置博白縣也 建寧 武德四年析合浦縣
置貞觀十二年省淳良併也 周羅 武德四年析合浦置
龍豪 武德四年析合浦置南昌 隋縣舊屬 潘州又來屬也
牢州下 本巴屬徼外蠻夷地漢牂牁郡地武德二年置義州五
年改爲智州貞觀十二年改爲牢州以牢石爲名天寶元年改爲
定川郡乾元元年復爲牢州也 舊領縣三戶一千六百四十二口一
萬一千七百五十六去京師與容州道里同東至容州一百二十五
里南至白州一百里西至鬱林州一百一十里北至黨州一百里
南流 武德四年析容州北流縣置屬容州貞觀十一年改智州
爲牢州以牢石爲名牢石高四十丈周二千里在州界也 定川
宕川 貞觀十一年分南流置也

欽州下 隋寧越郡武德四年平蕭銑改爲欽州總管府管一州
領欽江安江南賓遵化內亭五縣五年置如和縣其年置五川南
亭州並隸欽府以內亭遵化二縣屬亭州貞觀元年罷都督府三

年廢亭州復以內亭遵化並來屬十年省海平縣天寶元年改爲
寧越郡乾元元年復爲欽州也舊領縣七戶一萬四千七十二口一
萬八千一百二十七天寶領縣五戶二千七百口一萬二百四十六至京
師五千二百五十里東至嚴州四百里南至大海二百五十里西
至譚州六百三十里至橫州三百五十里東南至廣州七百里西南
至陸州六百里西至容州三百五十里東北至貴州四百里欽江
州所治漢合浦縣地宋分置宋壽郡及宋壽縣梁置安州隋改
爲欽州仍改宋壽縣爲欽江煬帝改爲寧越郡皆治欽江也保京
隋安京縣至德二年改爲保京縣北十里安京山下有如和書似循
州羅浮山形勢遵化隋舊置也內亭隋縣武德五年於縣
置南亭州貞觀元年州廢復屬欽州也靈川已上縣並漢合浦縣也
禺州隋合浦郡之定川縣武德四年置南宕州領南昌定川陸川
思城溫水宕川六縣治南昌縣貞觀六年移治定川八年改爲潘
州仍廢思城摠章元年改爲東莪州移治義石縣二年改爲昌州

天寶元年改爲溫水郡乾元元年復爲禺州 舊領縣五戶萬七

百四十八 天寶領縣四戶三千二百八十 至京師五千三百五里至東

郡五千里至義州二百九十里南至辯州三百里西至白州二百里北

至容州一百一十里 義石 秦象郡地晉 南昌郡之邊邑爲禺

州所治也 溫水 武德四年析南昌置 陸川 隋廢縣武德四

年置 扶桑 武德四年置

陽州下 秦象郡地唐置陽州失起置年月天寶元年改爲溫泉

郡乾元元年復爲陽州 領縣三無戶口及無兩京道里四至州府

湯泉 州所治也 綠水 羅韶 與州同置

懷州下 貞觀十二年清平公李弘節遣欽州首領寧師京尋劉

方故道行達交趾開拓夷獠置懷州天寶元年改爲臨潭郡乾元

元年復爲懷州 音而章反水名 領縣四戶一千六百六十六無兩京

地里東至欽州六百三十里北至容州二百八十二里在安南府之東北

鬱林之西南 臨江州所治也 波零 鵠山 弘遠 與州同置

巖州下 土地與合浦郡同唐置巖州夫起置年月天寶元年改爲
安樂郡至德二年改爲常樂郡乾元元年復爲巖州 領縣四戶
一千二百十無兩京道里四至州府也常樂本安樂縣至德二年
改州所治 思封 高城 石巖 與州同置
古州 土地與讓州同年置天寶元年改爲樂古郡乾元元年復
爲古州

安南府 在邕管之西也

安南都督府 隋交趾郡武德五年改爲交州摠管府管交峯
愛仙鳶宋慈險道龍十州其交州領交趾懷德南定宋平四縣六
年證慈道宋並加南字七年又置玉州隸交府貞觀九年省南
宋州以宋平縣省隆州以陸平縣及朱鳶縣省龍州以龍編縣
並隸交府仍省懷德縣及南慈州二年廢玉州入欽州六年改
南道州爲仙州十一年廢仙州以平道縣來屬今督交峯愛驪
四州調露元年八月改交州都督府爲安南都護府大足元年

四月置武安州南登州並隸安南府至德二年九月改爲鎮南都
護府後爲安南府刺史充都護管兵四千二百人舊領縣八戶一萬七
千五百二十三口八萬八千七百八十八天寶領縣七戶一萬四千二百三十口
萬九千六百五十二至京師七千二百五十三里至東都七千二百二十五里西
至愛州界小黃江口水路四百一十六里西南至長州界文陽縣靖江鎮
一百五十里西北至峯州嘉寧縣論江口水路一百五十里東至朱鷺縣
界小黃江口水路五百里北至朱鷺州阿勞江口水路五百四十九里北至
武平縣界武定江三百五十二里東北至交趾縣界福生去十里也宋平
漢西捲縣地屬日南郡捲音自漢至晉猶爲西捲縣宋置宋平
郡及宋平縣隋平陳置交州煬帝改爲交趾刺史治龍編交州都
護制諸蠻其海南諸國大抵在交州南及西南居大海中洲上相
去或五三百里五三千里遠者二三萬里乘舶舉帆道里不可詳知
自漢武已來皆朝貢必由交趾之道武德四年於宋平置宋州領
宋平弘義南定三縣五年又分宋平置交趾懷德二縣自貞觀元

年廢南宋州以弘教懷德交趾三縣省入宋平縣移交趾縣名於漢故交趾城置以宋平南定二縣屬交州 交趾 漢交趾郡之羸

樓地羸樓二字

並音來口反

隋為交趾縣取漢郡名武德四年置

慈廉烏延立三縣六年改為南慈州貞觀初州廢并廢三縣併入

交趾 朱鳶 漢縣名交趾郡今縣吳軍平縣地舊置武平縣

龍編 漢交趾郡守治羸樓後漢周敞為交趾太守乃移治龍編

言立城之始有蛟龍盤編編津之間因為城名武德四年於縣置

龍川武寧平樂三縣貞觀初廢龍川以武寧平樂入龍編割屬仙

州十年廢仙州以龍編屬交州也 平道 漢封溪縣地南齊置昌

國縣南越志交趾之地最為膏腴舊有君長曰雄王其佐曰雄侯

以其田雄田後蜀王之將兵三萬討雄王滅之蜀以其子為安陽王

治交趾其國地在今平道縣東其城九重周九里土庶蕃阜尉他

在蕃隅遣兵攻之王有神弩一發殺越軍萬人趙他乃與之和仍以

子始為質安陽王以媚珠妻之子始得弩毀之越兵至乃殺安陽

王

王兼其地武德四年於縣置道州領平道昌國武平三縣六年改
爲南道州又改爲仙州貞觀十年廢仙州以昌國入平道屬交州
也武平吳置武平郡隋爲縣本漢封侯縣後漢初麓冷縣女子
鬱側叛攻陷交趾馬援率師討三年方平光武方增置望海封溪
二縣即此也隋曰隆平武德四年改爲武平也太平

武義州下土地與交州同置武義州失起置年月天寶元年改爲
武義郡乾元元年復爲武義州領縣五戶一千八百五十無口無兩
京道里及四至州府也武義州所治也武緣武勞梁山皆
與州同置也

粵州下土地與交州同唐置粵州失起置年月天寶元年改爲
龍水郡乾元元年復爲粵州領縣四無戶口數亦無兩京道里及
四至州府也龍水州所治也崖山東鹽天河皆與州同置也
芝州下土地與交州同唐置芝州失起置年月天寶元年改爲忻
城郡乾元元年復爲芝州領縣一忻城州所治無戶口及兩京

道里四至州府最遠惡處

愛州 隋九真郡武德五年置愛州領九真松源楊山安頂四縣
又於州界分置積順永胥前真山七州改永州爲都州九年改爲
積州爲南陵州貞觀初廢都州入前真州其年廢真胥二州入南
陵州又廢安州以隆安縣廢山州以建初縣並屬州又廢楊山安
頂二縣入九真縣改南陵州復爲真州八年廢建初入隆安九年廢
松源入九真九年廢真州以胥浦軍安日南移風四縣屬愛州天
寶元年改爲九真郡乾元元年復爲愛州九真南與日南接界西
接牂牁界北與巴蜀東北接與鬱林州山險溪洞所居 舊領縣
七戶九千八十口三萬六千五百一十九天寶領縣六戶一萬四千七百
至京師八千八百里東都八千一百里在交州西不詳道里遠近其
南即驩州界 九真 漢武帝開置九真郡治於胥浦縣領居風
都能餘發威歡無功無編等今七縣九真縣即漢地吳改爲移風
隋改爲九真州所治自漢至南齊爲九真郡梁置愛州隋爲九真

郡安順 隋舊武德三年置順州又分置東河建昌邊河並屬順州州廢及三縣皆併入安順屬愛州也 崇平 隋陸安縣武德年於縣置安州及山州又分隆安立教山建道都掘三縣並屬安州領四縣又置岡州山具潤古安西安建功五縣屬山州貞觀元年廢安州及三縣又廢山州及五縣以隆安隸愛州先天元年改爲崇安至德二年改爲崇平 軍寧 隋軍安縣武德五年於縣界置永州七年改爲都州貞觀元年改爲前真州十年改屬愛州至德二年改爲軍寧 日南 漢屬風地縣界有屬風山上有風門常有風其山出金牛往往夜見照耀十里時闕則海水沸溢有霹靂人家牛皆怖號曰神牛隋爲日南縣無編漢舊縣屬九真郡又有漢西于縣故城在今縣東所置也

福祿州下 土俗同九真郡之地後爲生獠所據龍朔三年智州刺史謝法成招慰生獠昆明北樓及生獠等七千餘落摠章二年置福祿州以處之天寶元年改爲福祿郡至德二年改爲唐社郡乾

元元年復爲福祿州 領縣二無戶口及兩京道里四至州郡
柔遠 州所治與州同置本名安遠至德二年改爲柔也

長州 土俗與九真同唐置長州失起置年月天寶元年改爲文
陽郡乾元元年復爲長州 領縣四戶六百四十八無口及兩京道里
四至州府也 文陽 銅蔡 長山 其常 皆與州同置也

驪州 隋日南郡武德五年置南德州摠管府領德明智驪林源
景海八州南德州領六縣八年改爲德州貞觀初改爲驪州以舊驪
州爲演州二年置驪州都督府領驪演明智林源景海八州十二年廢
明源海三州天寶元年改爲日南郡乾元元年復爲驪州也

舊領縣六戶六千五百七十九口萬六千六百八十九 天寶領縣四戶
千六百一十九口五萬八百一十八 至京師陸路一萬二千四百五十二里
水路一萬七千里至東都一萬一千五百九十五里水路一萬六千二百
二十里東至大海一百五十里南至林州一百五十里西至環王國界
八百里北至愛州界六百三里南至盡當郡界四百里西北到靈

跋江四百七十里東北至辯州五百二里九德州所治古越常氏國秦開百越此爲象郡漢武元鼎六年開交趾已南置日南郡治於朱吾領比景盧容西捲象林五縣吳分日南置九德郡晉宋齊因之隋改爲州廢九德郡爲縣今治也後漢遣馬援討林邑蠻援自交趾尋海隅開側道以避海從蕩昌縣南至九真郡自九真援至其國開陸路至日南郡又行四百餘里至林邑國又南行二千餘里有西屠夷國鑄二銅柱於象林南界與西屠夷分境以紀漢德之盛其時以不能還者數十人留於其銅柱之下至隋乃有三百餘家南蠻呼爲馬留人其水路自安南府南海行三千餘里至林邑計交至銅柱五千里也浦陽晉置懷驩隋爲咸歡縣屬九真郡武德五年於縣置驩州領安人扶演相景西源四縣治安人貞觀九年改爲演州十三年省相景縣入扶演二十六年廢演州其所管四縣廢入咸驩後隋改爲懷驩越裳吳置武德五年於縣置明州析置萬安弘明定二縣隸之又分日南郡文谷縣置智州

領文谷縣新銷關負金四縣貞觀十三年廢明州越裳屬智州後
又廢智州以越裳屬驩州

林州 隋林邑郡貞觀九年綏懷林邑置林州寄治於驩州南界
今廢無名 領縣三無戶口去京師一萬二千里 林邑 州所治漢
武帝開百越於交趾郡南三千里置日南郡領縣四治於朱吾其
林邑即日南郡之象林縣縣在南故曰日南郡南界四百里後漢
時中原喪亂象林歸縣人區連殺縣令自稱林邑王後有范熊者
代區連相傳累世遂為林邑國其地皆開北戶以向日晉武時范
氏入貢東晉末范攻陷日南郡告交州刺史告蕃求以日南郡北
界橫山為界其後又陷九真郡自是屢寇交趾南界至貞觀中其
主脩職貢乃於驩州南僑置林邑郡以羈縻之非正林邑國 金龍
隋文帝時遣大將劉方率兵萬人自交趾南伐林邑國敗之其王
梵志遁走方收其廟主二十八人皆鑄金為之方盡虜其人空其地
乃班師因方得其龍乃為縣名 海界 三縣並貞觀九年置

景州 隋北景郡貞觀二年置南景州寄治驪州南界八年改爲景州後亦廢無其名 領縣三無戶口 至京師一萬一千五百里北景 漢縣名屬日南郡在安南府南三千里北景在南晉將灌邃攻林邑王范佛破其國遂於其國五月五日立表北影在表南九寸二分故自北景已南皆北戶以向日也北字或單爲匕 由文 貞觀二年置也 朱吾 漢日南郡所治之縣也前志曰朱吾人不粒食依魚資魚爲生託云朱吾在日南郡北僑立名也

峯州下 隋交趾郡之嘉寧縣武德四年置峯州領嘉寧新昌安仁竹輅石堤封溪六縣貞觀元年廢石堤封溪入嘉寧竹輅入新昌天寶元年改爲承化郡乾元元年復爲峯州也 舊領縣三戶五千四百四十四口六千四百三十五 天寶領縣五戶一千九百二十州在安南府西北至京師七千七百十里 嘉寧 州所治漢蒼冷縣地屬交趾郡蒼冷音蒼冷古文朗夷之地秦屬象郡吳分交趾置新興郡晉改爲新昌宋齊因之改爲興州隋初改爲華州煬帝廢

併入交趾武德復置峯州也 承化 新昌 嵩山 珠綠 嵩山
珠綠新置

陸州 隋寧越郡之玉山縣武德五年置玉山領安海海平二縣
貞觀二年廢玉州上元二年復置改爲陸州以州界山爲名天寶
元年改爲玉山郡乾元元年復爲陸州 領縣三戶四百九十四口
二千六百七十四 至京師七千二十六里至東都七千里東至廉州界
三百里南至大海北至思州七百六十二里東南際大海西南至當
州寧海二百四十里也 烏雷 州所治也 華清 舊玉山縣天
寶年改 寧海 舊安海縣至德二年改爲寧海縣也

廉州下 隋合浦郡武德五年置越州領合浦其年安昌高城大
廉大都五縣貞觀六年置珠池其年改大都屬白州八年改越州
爲姜州十二年廢姜州入封山東羅萊龍三縣來屬十二年廢安昌
珠池二縣入合浦廢高城入蔡龍天寶元年改爲合浦郡乾元元年
復爲廉州 舊領縣五戶一千五百三十二 天寶戶三千三十二口萬

三千二十九 至京師六千五百四十七里至東都五千八百三十六里東
至白州二百里南至羅州三百五十里西北至安南府千里北至領
州七百里 合浦 漢縣屬合浦郡秦之象郡地吳改爲珠官宋
分置臨漳郡及越州領郡三治於此時西江都護陳伯紹爲刺史
始立州鎮鑿山爲城以威俚獠隋改爲祿州及爲合州又改爲合
浦唐置廉州大海在西南一百六十里有珠母海郡人採珠之所云
合浦也州界有瘴江名合浦江也 封山 隋縣武德五年置姜州
領封山東羅蔡龍三縣貞觀十年廢州以三縣入廉州 蔡龍 武
德五年分置也 大廉 武德五年置四縣皆合浦縣地

雷州下 隋合浦郡之海康縣武德五年平蕭銑置南合州領海
康隋康鐵地棋川四縣貞觀元年改爲東合州二年改隋康爲徐
聞縣八年改東合州爲雷州天寶元年改爲海康郡乾元元年復
爲雷州也 舊領縣四戶二千四百五十八 天寶領縣三戶四千三百
二千口二萬五百七十二 至京師六千五百一十二里至東都五千九百

三十一里東至大海二十里西至大海一百里東南至大海十五里西南至大海一百里隔海至崖州四百三十里東北及西北與羅州接界海康 漢徐聞縣地屬合浦郡秦象郡地梁分置南合州隋去南字煬帝廢合州置海康縣 遂溪 舊齊鐵地堪川二縣後廢改爲遂溪也 徐聞 漢縣名隋置貞觀二年改爲徐聞 漢志曰合浦郡徐聞南入海達珠崖郡即此縣

龍州 貞觀十二年清平公李弘節遣龔州大縣人龔固興招慰生蠻置龍州天寶元年改爲扶南郡乾元元年復爲扶州 領縣七戶三千六百六十七無四至州縣兩京道里扶南國在日南郡之南海西大島中去日南郡約七千里在林邑國西三千里其王貞觀中遣使朝貢故龍州招置之遥取其名非正扶南國也 武勒州所治武禮 羅龍 扶南 龍賴 武觀 武江 皆與州同置

環州下 貞觀十二年清平公李弘節開拓生蠻置環州以環國爲名天寶元年改爲平郡乾元元年復爲環州 領縣八無戶口及

兩京道里并至州府 正平 州所治 福零 龍源 饒勉 思恩

武石 歌良 蒙都 與州同置

德化州 永泰二年四月於安南府西界牂牁南界置 領縣二與

州同置 德化 歸義

郎茫州 永泰二年四月於安南府西界置 領縣二與州同置

龍然 福守

崖州下 隋珠崖郡武德四年平蕭銑置崖州領舍城平昌澄邁

顧靈臨機五縣貞觀元年置都督府督脩振三州其年改爲顏

城平昌爲文昌三年割儋州屬廣府五年又置瓊州十三年廢瓊州

以臨機萬安三縣來屬天寶元年改爲珠崖郡乾元元年復爲崖

州在廣府東南 舊領縣七戶六千六百四十六 天寶戶十一鄉

至京師七千四百六十里至東都六千三百里廣府東南二千餘里雷

州徐聞縣南舟行渡大海四百三十里達崖州漢武帝元封元年遣

使自徐聞南入海得大洲東西南北方千里略以爲珠崖脩耳二

郡民以布如單被穿中從頭穿之民種禾稻紵麻女子蠶織無馬
與虎有牛羊豕雞犬兵則矛盾木弓竹矢骨鏃郡縣吏卒多侵凌
之故率數歲一反昭帝省儋耳併珠崖元帝用賈捐之言乃弃之
大唐武德初復析珠崖郡置儋瓊振萬安五郡於崖州置都督
府領之後廢都督隸廣州經略使後又改隸安南都護府也

舍城 州所治隋舊縣其崖儋振瓊萬安五州都在海中洲之上
方千里四面抵海北渡海揚帆一日一夜至雷州也 澄邁 隋縣

文昌 武德五年置平昌縣貞觀元年改爲文昌

儋州下 隋儋耳郡武德五年置儋州領義倫昌化感恩富羅四
縣貞觀元年分昌化置普安天寶元年改爲昌化郡乾元元年復
爲儋州也 舊領縣五戶三千九百五十六 天寶戶三千三百九

至京師七千四百四十二里與崖州同在海中洲上東至振州四百里
義倫 本漢儋耳郡城即此縣隋爲義倫縣州所治也昌化 隋縣
感恩 洛場 新置 富羅 隋毗善縣武德五年改置

瓊州 本隋珠崖郡之瓊山縣貞觀五年置瓊州領瓊山萬安三縣其年又割崖臨機來屬十三年廢瓊州以屬崖州尋復置瓊州領曾口樂會顏羅五縣天寶元年改爲瓊山郡乾元元年復曰瓊州貞觀五年十月嶺南節度使李復奏曰瓊州本隸廣府管内乾封年山洞草賊反叛遂茲漏陷至今百餘年臣令判官姜孟京崖州刺史張少逸併力討除今以收復舊城且令降人權立城相竊以瓊州控壓賊洞請昇爲下都督府加瓊崖振脩萬等五州招討遊弈使其崖州都督請停從之 領縣五戶六百四十九 兩京與崖州道里相類西南至振州四百五十里與崖州同在大海中也瓊山州所治貞觀七年十一月省容瓊縣併入 臨高 本屬崖州貞元七年割屬瓊州 曾口 樂會 顏羅 後漸析置振州 隋臨振郡武德五年置振州天寶元年改爲臨振郡乾元元年復爲振州也 領縣四戶八百一十九口二千八百二十一至京師八千六百六里至東都七千七百九十七里東至萬安州陵水縣一

百六十里南至大海西北至儋州四百二十里北至瓊州四百五十里東南至大海二十七里西南至大海千里西北至延德縣九十里與崖州同在大海洲中 寧遠 州所治隋舊 延德 隋縣 吉陽 貞觀二年分延德置臨川 隋縣 范屯 新縣

萬安州 與崖儋同在大海洲中唐置萬安州失起置年月天寶元年改爲萬安郡至德二年改爲萬全郡乾元元年復爲萬安州領縣四無戶口西接振州界兩京道里與振州相類也 萬安州所治至德二年改爲萬全後復置 陵水 富雲 博遼 與州同置

赤土國 州南渡海便風十四日至雞籠島即至其國赤海中之一洲中

丹丹國 振州東南海中之二洲舟行十日至

唐書志卷第二十一 左從政郎紹興府錄事叅軍張嘉賓校勘

唐書志卷第二十二

劉 昫

職官一

高祖發迹太原官名稱位皆依隋舊及登極之初未遑改作隨時署置務從省便武德七年定令以太尉司徒司空為三公尚書門下中書祕書殿中內侍為六省次御史臺次太常光祿衛尉宗正太僕大理鴻臚司農太府為九寺次將作監次國子學次天策上將府次左右衛左右驍衛左右領軍左右武侯左右監門左右屯左右領為十四衛府東宮置三師三少詹事府門下典書兩坊次內坊次家令率更僕三寺次左右衛率府左右宗衛率府左右虞候率府左右監門率府左右內率府為十率府王公已下置府佐國官公主置邑司已下並為京職事官州縣鎮戍兵漕關津為外職事官又以開府儀同三司從一品特進正二品左光祿大夫從一品右光祿大夫正二品散騎常侍從三品太中大夫正四品通直散騎常侍正四品中



大夫

從四品上

負外散騎常侍

從四品下

中散大夫

正五品上

散騎侍郎

正五品上

通直

散騎侍郎

從五品上

負外散騎侍郎

從五品下

朝議郎

正六品上

承議郎

正六品上

通議郎

通直郎

從六品上

朝請郎

正七品上

宣德郎

正七品上

宣義郎

從七品上

給事郎

事郎

正八品上

承奉郎

從八品上

承務郎

從八品上

儒林郎

正九品上

登仕郎

並為文散官

輔國正三品

鎮軍

從三品上

大將軍

正三品上

冠軍

正三品上

雲麾

忠武壯武

宣威明威信遠

游騎游擊

自正四品上至從五品下

十將軍

為散號將

軍以加武士之無職事者

改上開府儀同三司為上輕車都尉開

府儀同三司

為輕車都尉

儀同三司為騎都尉

秦王齊王

下統軍

為護軍副統軍

為副護軍上大都督為驍騎尉大都督為飛騎尉

帥都督為雲騎尉

都督為武騎尉

車騎將軍為游騎將軍親衛驃

騎將軍為親衛中郎將

其勳衛驃騎准此親衛車騎將軍為親衛

中郎將其勳衛翊衛車騎並准此監門府郎將為監門中郎將

領左右郎將准此諸軍驃騎將軍為統軍其秦王齊王下領三衛及

庫真驅啞真車騎並准此諸軍車騎將軍為別將其散官文騎尉

爲承議郎屯騎尉爲通直郎雲騎尉爲登仕郎羽騎尉爲將仕郎
武德九年罷天策上將府貞觀元年改國子學爲國子監分將作
爲少府監通將作爲三監八年七月始以雲麾將軍爲從三品階
九月以統軍正四品下別將正五品上十一年改令置太師太傅太
保爲三師其三公已下六省一臺九寺三監十二衛東宮諸司並
從舊定又改以光祿大夫爲從二品金紫光祿大夫爲正三品銀
青光祿大夫爲從三品正議大夫爲正四品上通議大夫爲正四
品下太中大夫爲從四品上中大夫爲從四品下中散大夫爲正
五品上朝議大夫爲正五品下朝請大夫爲從五品上朝散大夫
爲從五品下其六品下唯改通議郎爲奉議郎自餘依舊更置
驃騎大將軍爲從一品武散官輔國鎮軍二大將軍爲從二品武
散官冠軍將軍加大字及雲麾已下游擊已上改爲五品已上武
散官又置昭武振威致果翊麾宣節禦武仁勇陪戎八校尉副尉

自正六品至從九品上階爲校尉下階爲副尉

爲六品已下武散官凡九品已上職事皆帶散位

謂之本品職事則隨才錄用或從閑入劇或去高就卑遷徙出入參差不定散位則一切以門蔭結品然後勞考進敘武德令職事解散官欠一階不至爲兼職事卑者不解散官貞觀今以職事高者爲守職事卑者爲行仍各帶散位其欠一階依舊爲兼與當階者皆解散官永徽已來欠一階者或爲兼或帶散官或爲守叅而用之其兩職事者亦爲兼頗相錯亂

其欠一階之兼古念反其兩職事之兼古恬反字同音異耳

咸

貞二年始一切爲守自高宗之後官名品秩屢有改易今錄永泰二年官品其改易品秩者注於官品之下若改官名及職負有加減者則各附之於本職云

唐初因隋號武德三年三月改納言

爲侍中內史今爲中書令給事郎爲給事中內書省爲中書省貞觀二十三年六月改民部尚書爲戶部尚書七月改治書侍御史爲御史中丞改諸州治中爲司馬別駕爲長史治禮郎爲奉禮郎顯慶元年改戶部尚書爲度支尚書侍郎爲度支侍郎又置驃騎大將軍貞從一品龍朔二年二月甲子改百司及官名改尚書省爲

中臺僕射爲匡政左右丞爲肅機左右司郎中爲成務吏部爲司
列主爵爲司封考功爲司績禮部爲司禮祠部爲司禋膳部爲司
膳主客爲司蕃戶部爲司元度支爲司度倉部爲司倉金部爲司
珍兵部爲司戎職方爲司域駕部爲司輿庫部爲司庫刑部爲司
刑都官爲司僕比部爲司計工部爲司平屯田爲司田虞部爲司
虞水部爲司川餘司依舊尚書爲太常伯侍郎爲少常伯郎中爲
大夫中書門下爲東西臺侍中爲左相黃門侍郎爲東臺侍郎給
事中爲東臺舍人散騎常侍爲左右侍極諫議大夫爲正諫大夫
中書令爲右相侍郎爲西臺侍郎舍人爲西臺舍人祕書省爲蘭
臺監爲太史少監爲侍郎丞爲大夫著作郎爲司文郎太史令爲
祕閣郎中御史臺爲憲臺御史大夫爲大司憲御史中丞爲司憲
大夫殿中省爲中御府丞爲大夫尚食爲奉膳尚藥爲奉醫尚衣
爲奉冕尚舍爲奉展尚乘爲奉駕尚輦爲奉御並爲大夫內侍省
爲內侍監太常爲奉常光祿爲司宰衛尉爲司衛宗正爲司宗太

僕爲司馭大理爲詳刑正爲大夫鴻臚爲司文司農爲司稼太府
爲外府卿並爲正卿少府監爲內府監將作監爲繕工監大匠爲
大監少匠爲少監國子監爲司成館國子祭酒爲大司成司業爲
少司成博士爲宣業都水爲司津監左右衛府左右驍衛府左右
武衛府並除府字左右屯衛府爲左右威衛左右領軍衛爲左右
戎衛武侯爲金吾衛千牛爲奉宸衛屯營爲羽林軍詹事爲端尹
府門下典書爲左右春坊左右庶子爲左右中護中允爲左贊善
大夫洗馬爲司經大夫中舍人爲右贊善大夫家令寺爲官府寺
率更寺爲司更寺僕寺爲馭僕寺長官並爲大夫左右衛率府爲
典戎衛率府爲司禦衛左右虞候率府爲清道衛監門率府爲
崇掖衛內率府爲奉裕衛七日又制廢尚書令改起居郎爲左史
起居舍人爲右史著作佐郎爲司文郎太史丞爲祕閣郎左右千
牛爲奉宸司議郎爲左司議郎太子舍人爲右司議郎典膳藥藏
內直監宮門大夫並改爲郎太子千牛爲奉裕總章年置司列司

戎少常伯各兩員咸亨元年十二月詔龍朔二年新改尚書省百
司及僕射已下官名並依舊其東宮千率府有異上臺諸備各宜
依舊爲率府其左司議郎除左字其左右金吾左右威衛依新改
永淳元年七月置州別駕光宅元年九月改尚書省爲文昌臺左
右僕射爲文昌左右相吏部爲天官戶部爲地官禮部爲春官兵
部爲夏官刑部爲秋官工部爲冬官門下省爲鸞臺中書省爲
鳳閣侍中爲納言中書令爲內史太常爲司禮鴻臚爲司賓宗正
爲司屬光祿爲司膳太府爲司府太僕爲司僕衛尉爲司衛大理
爲司刑司農依舊左右驍衛爲左右威衛左右武衛爲左右鷹揚
衛左右威衛爲左右豹衛左右領軍衛爲左右玉鈴衛左右金吾
衛依舊御史臺改爲左肅政臺專知京百官及監諸軍旅并承詔
出使更置右肅政臺專知諸州案察垂拱元年二月改黃門侍郎
爲鸞臺侍郎文昌都省爲都臺主爵爲司封祕書省爲麟臺內侍
省爲司閤臺少府監爲尚方監其左右尚方兩署除方字將作監

爲營繕監國子監爲成均監都水監爲水衡監其詹事府爲宮尹
府詹事爲大尹少詹事爲少尹左右內率府爲左右奉裕率府千
牛爲左右奉裕左右監門率府爲左右控鶴禁率府諸衛鎧曹改
爲冑曹司膳寺餼藏署改爲珍羞署十月增置天官侍郎二員又
置左右補闕拾遺各二員三年加秋官侍郎一員永昌元年置左
右司員外郎各一員天授二年增置左右補闕拾遺各三員通滿
五員長壽二年增夏官侍郎三員大足元年加營繕少匠一員左
右羽林衛各增置將軍一員洛雍并荆揚益六州置左右司馬各
一員長安三年增置司勳員外郎一員地官依舊置侍郎一員洛
并及三大都督府司馬宜依舊置一員神龍元年二月臺閣官名
並依永淳已前故事廢左右司員外郎左右千牛衛各置大將軍
一員東都置太廟官吏增置太常大理少卿各一員二年又置員
外郎凡一千餘人超授闕官七品已上員外者又千餘人十二月復
置左右司員外郎各一員景雲二年復置太子左右諭德太子左

右贊善大夫各兩員雍洛及大都督府長史加爲三品階別駕致
勣依前太極元年光祿大理鴻臚太府衛尉宗正各增置少卿一
員祕書少監國子司業少府少監將作少匠左右臺中丞各增置
一員雍洛二州及益并荆揚四大都督府各增置司馬一員分爲
左右司馬開元元年十二月改尚書左右僕射爲左右丞相中書
省爲紫微省門下省爲黃門省侍中爲監雍州爲京兆府洛州爲
河南府長史爲尹司馬爲少尹錄事參軍爲司錄參軍餘司改司
爲曹五年九月紫微省依舊爲中書省黃門省爲門下省黃門監
爲侍中二十四年九月改主爵爲司封天寶元年二月侍中改爲左
相中書令改爲右相左右丞相依舊爲僕射黃門侍郎爲門下侍
郎改州爲郡刺史爲太守十一載正月改吏部爲文部兵部爲武部
刑部爲憲部其行內諸司有部者並改改駕部爲司駕改庫部爲
司庫金部爲司金倉部爲司儲比部爲司計祠部爲司禋膳部爲
司膳虞部爲司虞水部爲司水將作大匠爲監少匠爲少監至德二

載十二月勅近日所改百司額及郡名并官名一切依故事於是侍中中書令兵吏部等並仍舊罷郡爲州復以太守爲刺史

正第一品

太師太傅太保太尉司徒司空

已上職事官 王爵武德令有天策上將九年省

從第一品

開府儀同三司

文散官開府儀同三司及特進不帶職事官者朝參祿俸並同職事仍隸吏部也

太子太師太子

太傅太子太保

已上職事官

驃騎大將軍

武散官

嗣王郡王國公

爵

正第二品

特進

文散官

輔國大將軍

武散官

開國郡公

爵武德令唯有公侯伯子男上貞觀十一年加開國之稱也

柱國

勳官武德令有尚書令龍朔二年省自是正第二品無職事官

從第二品

尚書左右僕射太子少師太子少傅太子少保京兆河南太原等

七府牧大都督

楊幽潞

大都護

單于安西已上職事官

光祿大夫

文散官

鎮軍大

將軍

武散官

開國縣公

爵

柱國

勳官

正第三品

侍中中書令吏部尚書

舊班在左相上開元令移在下

左右衛左右驍衛左右武衛

左右威衛左右領軍衛左右金吾衛左右監門衛左右羽林軍左

右龍武左右英武六軍大將軍左右千牛衛大將軍

戶部禮部兵部刑部工部尚書

武德令禮部大吏部兵部次之民部次之貞觀年改以民部大禮部兵部次之則天初

又改以戶部大吏部禮部次之兵部次之

太子賓客

舊兼職無品開元前令安入官品也

太常卿宗正卿

天寶初昇入正

三品

太子詹事左右散騎常侍

舊班從三品廣德年昇

內侍監

唐初舊制內侍省無三品官內侍四

也負秩四品天寶十三年十二月玄宗以中官高力士索恩藝承恩遇特置內侍監兩員秩三品以授之

中都督上都護

已上除八

為文職

金紫光祿大夫

文散

冠軍大將軍

武散

懷化大將軍

顯慶三年置以授初

附首領仍

上護軍

官勳

從第三品

御史大夫

舊班在祕書監九卿下開元令移在上

祕書監光祿衛尉太僕大理鴻臚司

農太府卿國子祭酒殿中監少府監將作監諸衛羽林入正三品

千牛龍武將軍下都督上州刺史京兆河南太原等七尹

舊雍洛長史從四品

上景雲二年加秩為從三品也五大都督府長史舊從四品上景雲二年加秩為從三品大都護府副都護舊正四品上開元親王傳已上並職事諸官衛羽林千牛龍武將軍為武餘並為文銀青光祿大夫武散開國侯爵雲麾將軍武散歸德將軍顯慶三年置以授初護軍武德附首領仍隸諸衛也護軍武德今有天策上將府長史司馬九年省也

正第四品上階

黃門侍郎中書侍郎舊正四品下階開元令加八上階也尚書左丞永昌元年進為從三品如意元年復舊吏

部侍郎武德七年省諸司侍郎吏部郎中為正四品上貞觀二年復置侍郎其吏部郎中復舊為五品下太常少卿太子左

庶子太子少詹事太子左右衛左右司御左右清道左右內率左

右監門率府率中州刺史軍器監武德初為正三品七年省八年復置九年又省十年復置北都軍器監上都

護府副都護上府折衝都尉武德令統軍正四品下年改為折衝都尉武德初及折衝為武餘並為文也正議大夫武散開國伯爵中武將軍武散上輕車都尉武散

正第四品下階

尚書右丞永昌元年進為從三品如意元年復舊諸司侍郎太子右庶子左右諭德左右

千牛衛左右監門衛中郎將親勳翊衛羽林中郎將下州刺史武德

令中下州刺史正四品下州刺史從四品上貞觀令一切為下
州加入正四品下自此已上職事官中郎將為武餘並為文也
通議大夫文散官壯

武將軍武散官

從第四品上階

祕書少監八寺少卿殿中少監太子左右衛司禦清道內率監門

副率太子親勳翊衛中郎將太子家令太子率更令太子僕內侍

大都護親王府長史已上職事官府率中郎將為武餘並為文太中大夫文散官宣威將軍武散官

輕車都尉官

從第四品下階

國子司業少府少監將作少匠京兆河南太原府少尹大都督府

大都護府親王府司馬上州別駕已上職事文官武德令上州別駕正五品上三十三年為長史前上元年復置別駕定

中府折衝都尉職官中大夫文散官明威將軍武散官武德令有天策上品也將府從事中郎九年省

正第五品上階

諫議大夫御史中丞武德令從五品上貞觀令加入正五品上五年又加入四品如意元年復舊也國子博士給事

中中書舍人太子中允太子左右贊善大夫都水使者萬年長安

河南洛陽太原晉陽奉先會昌縣令武德元年勅萬年長安令為正五品上七年定今改為從五品上貞觀初復

舊親勳翊衛羽林郎將中都督府上都護府長史親王府諮議參

軍事武德令正五品下也軍器少監太史少監親王府典軍已上職事官郎將典軍為武餘並為文永徽令

親王典軍從四品下垂拱令改入五品也中散大夫文散官開國子爵定遠將軍武散官上騎都尉勳官

正第五品下階

太子中舍人尚食尚藥奉御太子親勳翊衛郎將內常侍中都督上

都護府司馬中州別駕下府折衝都尉已上職事官郎將折衝為武餘並為文也朝議大

夫文散官寧遠將軍武散官武德令有天策上將軍諸祭酒九

從第五品上階

尚書左右諸司郎中武德令吏部郎中正四品上諸司郎中正五品上貞觀二年並改為從五品上也秘書丞武德令正

五品上永徽令改也著作郎太子洗馬殿中丞尚衣尚舍尚乘尚輦御獻陵昭

陵恭陵橋陵八陵令武德諸陵令從七品下永徽二年加獻昭二陵令為從五品已後諸陵並相承依昭二陵也親王府

副典軍下都督府長史下州別駕已上職事官典軍為武餘並為文也朝請大夫文散官

開國男爵游擊將軍武散官騎都尉勳官舊有太公廟令武德年七品下永徽二年加從五品上開元二十四年省也

從第五品下階

大理正太常丞太史令內給事太子典舊正六品上開元令改內下都督府上

州司馬武德令上州伯中正五品下貞觀初改親王友武德令正五品下也宮苑惣監上牧監上府果

毅都尉已上職事官果毅為武散餘並為文駙馬都尉奉車都尉並武散官駙馬自近代已來唯尚公主者授之

奉車有唐已來無其人朝散大夫文散官游擊將軍武散官武德今有策上將府主簿武室參軍九年省神龍今有庫谷糾舍監也

正第六品上階

太學博士武德令從六品已上貞觀年改太子詹事府丞太子司議郎太子舍人中

郡長史武德令中州別駕從五品上貞觀年改也太子典膳藥藏郎京兆河南太原府諸

縣令武德元年物雍州諸縣令階從五品上七年定令改親王府掾屬武德令從五品下也武庫中尚署令

武德令依上署今從七品下太極年改武庫今階開元年改中尚令階諸衛左右司階中府果毅都尉鎮軍

兵滿二萬人已上司馬已上職事官司階果毅為武餘並為文也親勳翊衛校衛衛官朝議郎

文散官昭武校尉武散官驍騎尉武散官

正第六品下階

千牛備身左右衛官已上王公已下高品子孫起家為之太子文學下州長史武德令中下州別駕正六品貞

觀二十三年改爲長史丞永淳元年諸州置別駕官天寶八載傳
別駕下郡置長史後上元二年諸州置別駕不廢下府長史也
中州司馬武德
州尚中從五品
下貞觀令改
內謁者監中牧監上牧副監職事官上鎮將武德令從四品
下承議郎官文散昭武副尉武散官武德令有天策上將
府諸曹參軍事九年省也

從第六品上階

起居郎起居舍人尚書諸司員外郎武德令吏部員外郎正六品上諸
司員外郎正六品下貞觀二年改

寺丞大理司直國子助教武德令從七品上城門符寶郎通事舍人祕書郎

武德令正七品上著作佐郎武德令正七品上侍御醫武德乾封令正七品上神諸衛羽林

長史兩京市署令武德四年進爲從五品下州司馬武德令中下州親王文

學主簿記室錄事參軍武德令親王府文學諸州上縣令職事官上諸率

府左右司階武職鎮軍兵不滿二萬人司馬武職左右監門校尉親

勳翊衛旅帥武職奉議郎官文散振威校尉武散飛騎尉官

從第六品下階

侍御史舊從七品上少府將作國子監丞太子內直典設官門郎太

公廟令司農寺諸園苑監下牧監官苑摠監副互市監中牧副監

職事官已上文下府果毅都尉武職親王府校尉衛通直郎官振威副尉武散

正第七品上階

四門博士詹事司直左右千牛衛長史尚食尚藥直長太子左右

衛司禦清道率府長史軍器監丞諸州中縣令京兆河南太原府

司錄參軍事大都督大都護府錄事參軍事親王府諸曹參軍已

文職事官武德令親王府功曹舍曹戶曹兵曹參軍事從中鎮將武職事官武

五品下騎曹鎧曹田曹士曹水曹參軍事等七品下也致果校尉武散

下太子千牛親勳翊衛隊正副隊正衛官朝請郎文散

正第七品下階

雲騎尉武散尚衣尚舍尚乘尚輦直長太子通事舍人內寺伯京兆河南太原

府大都督大都護府諸曹參軍中都督上都護府錄事參軍事諸

倉諸冶司竹溫湯監諸衛左右中候上府別將武德令別將正五品上

復置別將上府長史武德令統軍長史正八品下也上鎮副武德令從下鎮將武德令正下牧

副監已上文副鎮將武德令統軍長史正八品下也宣德郎文散致果副尉武散天策上將府參軍事

副監已上文副鎮將武德令統軍長史正八品下也宣德郎文散致果副尉武散天策上將府參軍事

九年省又有鹽池鹽井
監諸王百司問事謁者

從第七品上階

殿中侍御史

武德至乾封今並正八品上垂拱年改

左右補闕太常博士太學助教武德

八品門下錄事中書主書尚書都事九寺主簿太子詹事主簿太

子左右內率監門率府長史太子侍醫太子三寺丞都水監丞諸

州中下縣令親王府東西閤祭酒武德今正六品下京縣丞萬年長安河南洛陽

下都府上州錄事參軍中都督上都護府諸曹參軍事中府別將

長史中鎮副武德今正六品下已上職事官別將鎮副為武餘並為文左右監門直長勳衛太子親衛

已上衛官朝散郎文散官翊麾校尉武散官武騎尉勳官

從第七品下階

太史丞監局同御史臺少府將作國子監主簿御史臺國子監主簿舊正八品垂拱年改掖庭

令官闡令上署令郊社太樂鼓吹太醫太官左藏令乘黃典客上林太倉平準常

牧本中署右尚本下諸州下縣令天寶五載一諸陵署丞永徽二年加秩舊有

品永徽二年加秩從七品上開元年省也司農寺諸園苑副監神龍令有官苑總監丞下都督

府諸曹參軍太子內坊丞舊正八品上開元初改之親王國令舊規流內正九品太極年改公主家

令舊規流內正八品太極年改上州諸參軍事下府別將長史下鎮將武德今從六品下諸屯

監武德今有芳蘭監諸率府左右中候鎮軍滿二萬人以上諸曹判神龍今有添園監

司已上職事官別將鎮副中候為武銓並為文也太子左右監門直長親王府旅帥諸折衝府

校尉已上衛官武德令諸府校尉正六品下也宣義郎文散官翊麾副尉武散官

正第八品上階

監察御史舊從八品上垂拱今改協律郎諸衛羽林龍武軍錄事參軍事中

署令鈞盾合藏織涼掌令武德今有衣冠署令中州錄事參軍事太醫博士太子典膳藥藏

丞軍器監主簿武庫署丞舊從八品下開元初改兩京市署丞上牧監丞武德今從

八品下神龍今有庫谷糾谷人陰伊陽監丞鎮軍不滿二萬人以上諸曹判司已上文職事官也翊衛太

子勳衛親王府執仗執乘親事已上文散官給事郎文散官宣節校尉武德令

有天策上將府典籤九年省

正第八品下階

奚官內僕內府局令下署令太卜廩犧珍羞良醢掌醢中官武器軍府司儀崇玄導官中右校左校殿官河渠考坊甲坊神

龍令又有子舟 諸衛羽林龍武諸曹參軍事中州諸司參軍事親王

機二署令也 府京北河南太原府大都督大都護府參軍事武德令親王府參軍從七品下雍州行參

軍正八品上也 尚藥局司醫京北河南太原府諸縣丞太子內直宮門丞太

公廟丞諸宮農圃監互市監丞司竹副監司農寺諸園苑監丞靈

臺郎已上文職事官 諸衛左右司戈上戈主已上文職事官武德令有中鎮長史 備身衛徵事郎

文散官 宣節副尉武散官

從第八品上階

左右拾遺太醫署針博士四門助教武德令從九品上 左右千牛衛錄事參

軍下州錄事參軍武德令有中下州諸司參軍事 諸州上縣丞中牧監丞武德令正八品上 京

縣主簿太子左右衛司御清道率府錄事參軍中都督府上都護

府參軍親王府行參軍武德令正八品上 京北河南太原大都督府博士武德

令雍州博士 諸倉諸治司竹溫湯監丞武德令有驢池鹽井監丞神龍令有大和監丞也 保章正已上文職

事太子翊衛諸府旅帥已上文職官武德乾封令 承奉郎文散官 禦侮校尉武散官

從第八品下階

大理評事律學博士太醫署醫監太子左右春坊錄事左右千牛

衛諸曹參軍內謁者太子左右衛司禦清道率府諸曹參軍事太

子諸署令掖庭官闈局丞太史都水監主簿太史為局則省主簿中書門下尚

書都省兵吏部考功禮部主事舊從九品上開元二十四年改署丞武德

今有芳下都督府上州參軍事中都督府上州博士諸州中縣丞

諸王府典籤武德令正八品下京縣尉親王國大司農舊規流內正第七品開元初改公主家

丞舊規流內正第九品開元初改諸屯監丞上關令上府兵曹上鎮倉曹兵曹參軍

事武德令有挈壺正職事官中戍主上戍副率府左右司戈職事官太

子備身親王府隊正已上文承務郎文散官禦侮副尉武散官

正第九品上階

校書郎永徽令加入從八品下垂拱令復舊太祝太子左右內率監門府錄事參軍太

子內方典直中署丞典客署掌客親勳翊衛府羽林兵曹參軍事

兵瀆令諸津令下牧監丞武德令正八品下神龍令有諸州中下縣丞

中郡博士武德令正九品下京兆河南太原府諸縣主簿武庫署監事已上文

職事官武德令有天策上將府錄事儒林郎文散仁勇校尉武散
其武庫監事從九品下太極年改也

正第九品下階

正字永徽令改入上階垂拱令復舊太子校書永徽令改入上階垂拱令復舊奚官內僕內府局丞下

署丞尚食局尚醫尚藥局醫佐尚乘局奉乘司庫司廩太史局司

辰典廐署主乘太子左右內率監門率府諸曹參軍事太子三寺

主簿詹事府錄事龍朔年置桂芳錄事咸亨年省太子親動靜府兵曹參軍事諸州

下縣丞諸州上縣中縣主簿中州參軍事武德令正九品上下州博士武德令中

下州博士從九品上京北河南太原府諸縣尉上牧主簿諸官農圃監

丞中關令中府兵曹親王國尉舊規洩內正八品開元初改武德令有親王府鎮事及司閤上關丞武德

今有上諸衛左右執戟中鎮兵曹參軍下戍主已上職事官執戟戍主為武餘並為文諸

折衝府隊正衛官登仕郎文散仁勇副尉武散

從第九品上階

尚書諸司御史臺秘書省殿中省主事奉禮郎律學助教太子正

字弘文館校書太史司曆太醫署醫助教京北河南太原府九寺

少府將作監錄事都督都護府上州錄事市令宮苑摠監主簿中

牧監主簿永徽令有監漕諸州中下縣主簿上縣中縣尉下府兵曹已上並職事文

官文林郎文散官陪戎校尉武散官

從第九品下階

內侍省主事國子監親王府錄事太子左右春坊主事崇文館校

書書學博士算學博士門下典儀太醫署按摩呪禁博士太卜署

博士太醫署針助教太醫署醫正太卜署卜正太史局監候親王

國丞舊規流內正第九品開元初改從正流內掖庭局宮教博士太子諸署丞太子典食

署丞太子典廐牧署典乘諸監作諸監事計官太官署監膳太樂鼓

吹署樂正大理寺獄丞下州叅軍事武德令中下州行叅軍正九品下州叅軍從九品上中州下

州醫博士諸州中縣下縣尉京縣錄事下牧監主簿下關令中關

丞諸衛羽林長上公主邑司錄事諸津丞下鎮兵曹叅軍武德令有諸衛

諸壘丞諸率府左右執戟已上職事官長上執戟為武餘並為文親王府隊副諸折衝府隊

副衛官已上將仕郎官陪戎副尉武散官流內九品三十階之內又有視流

內起居五品至從九品初以薩寶府親王國官及三師三公開府嗣郡王上柱國已下護軍已上勳官帶職事者府官等品開元初一切罷之今唯有薩寶祿正二官而已又有涼外自勳品以至九品以爲諸司令史贊者典謁亭長掌固等品視涼外亦自勳品至九品開元初唯留薩寶祿視及府史餘亦罷之職事者諸統領曹事供命王命上下相攝以持庶績近代已來又分爲文武二職分曹置員各理所掌五品已上舊制吏部尚書進用自隋已後則中書門下知政事官訪擇聞奏然後下制授之三品已上德高委重者亦有臨軒冊授自神龍之後冊禮廢而不用朝廷命官制勅而已六品已上吏部選擬錄奏書曰授之有唐已來出身入仕者著令有秀才明經進士明法書算其次以涼外入涼若以門資入仕則先授親勳翊衛六番隨文武簡入選例又有祿廩郎品子勳官及五等封爵屯官之屬亦有番第許同揀選天寶三載又置崇玄學習道德等經同明經例自餘或臨時聽勅不可盡載其秀才有唐已來無

其人職事官資則清濁區分以入補授又以三品已下官及門下
中書侍郎尚書左右丞諸司侍郎太常少卿太子少詹事左右庶
子祕書少監國子司業為清望官太子左右諭德左右衛左右千
牛衛中郎將太子左右率府左右內率府率及副太子左右衛率
府中郎將_{已上}諫議大夫御史中丞給事中中書舍人太子中允
中舍人左右贊善大夫洗馬國子博士尚書諸司郎中祕書丞著
作郎太常丞左右衛郎將左右衛率府郎將_{已上}起居郎起居舍
人太子司議郎尚書諸司貲外郎太子舍人侍御史祕書郎著作
佐郎太學博士詹事丞太子文學國子助教_{已上}左右補闕殿中
侍御史太常博士四門博士詹事司直大學助教_{已上}左右拾遺
監察御史四門助教_{已上}為清官自外各以資次遷授開元中裴
光庭為吏部尚書始用循資格以注擬六品已下選人其後每年雖
小有移改然相承至今用之武散官舊謂之散位不理職務加官
而已後魏及梁皆以散號將軍記其本階自隋改用開府儀同三

司已下貞觀年又分文武入仕者皆帶散位謂之本品以門資出身者諸嗣王郡王出身從四品下親王諸子封郡公者從五品上國公正六品上郡公正六品下縣公從六品上侯正七品上伯正七品下子從七品上男從七品下皇帝總麻以上親皇太后周親出身六品上皇太后大功親皇后周親從六品上皇帝袒免親皇太后小功總麻親皇后大功親正七品上皇后小功總麻親皇太子妃周親從七品上其外戚各依服屬降宗親二階敘諸娶郡主者出身六品上娶縣主者正七品上郡主出身從七品上縣主子從八品上一品子正七品上二品子一正七品下三品子從七品上從三品子從七品下正四品子正八品上從四品子正八品下正五品子從八品上從五品及國公子從八品下三品以上蔭曾孫五品已上蔭孫孫降子一等曾孫降孫一等諸秀才出身上上第正八品上上中第正八品下上下第從九品上明經出身上上第從八品下上中第從九品上進士明法出身甲第從九品上乙第從九品下若

通三經已外每一經加一等勲官預文武選者上柱國正六品上敘
以下遞降一階凡入仕之後遷代則以四考爲限四考中中進年勞
一階敘每二考中上進一階一考上下進二階五品已上非恩制所
加更無進之今自武德至乾封未有從階之恩應入三品者皆以
恩舊特拜入五品者多依選敘計階至朝散大夫已上奏取進止
每年量多少進敘餘並依本品授官若滿三計至即一切聽入至
乾封元年文武普加二階永淳元年二月勅文武官累積勞効計至五品一
計至者多未覓擢再計至者隨例必昇賢愚二員
自今已後一計至已上有在官清慎狀迹灼然材堪應務者所司具狀錄奏當與
進階若公政無聞循默自守及未經任州縣官者雖頻經計至不在加階之限即
爲恒弘道元年又普加一階乃有九品職事及三衛階高者並入五
品則天朝廷階漸多始令仕經八考職事六品者許入萬歲通天
元年勅自今已後文武官加階應入五品者並取出身已歷十二
考已上進階之時見居六品官其應入三品人出身已二十五考
以上進階見居三品官無幾入五品又加至十六考神功元年制勲
官品子疎外國官出身不得任清資要官應入三品不得進階開

元已來伎術者經二十考三省都事及主事錄事十八考亦聽敘吏部檢勘歷任階考判成錄奏每制之日應入三品五品者皆令人叅赴或是遠方牧宰諸司閑職齎持金帛贈遺主典知加階令史乃有受納萬數者臺省要職以加位爲榮亦有遺主典錢帛者舊例開府及特進雖不職事皆給俸祿預朝會行立在於本品之次光祿大夫已下朝散大夫已上衣服依本品無祿俸不預朝會朝議郎已下黃衣執笏於吏部分番上下丞使及親驅使甚爲猥賤每當上之時至有爲主事令史守局鑰執鞭帽者兩番已上則隨番許簡通時務者始今叅選一登職事已後雖官有代滿即不復番上勲官者出於周齊交戰之際本以酬戰士其後漸及朝沐階爵之外更爲節級周置上開府儀同三司開府儀同三司上儀同三司儀同三司等十一號隋文帝因周之舊更增損之有上柱國柱國上大將軍大將軍上開府儀同三司開府儀同三司上儀同三司儀同三司大都督帥都督都督起正三品至七品惣十一等用

賞勲勞煬帝又改爲左光祿大夫右光祿大夫金紫光祿大夫銀青光祿大夫正議大夫朝請大夫朝散大夫建節奮武尉宣惠尉十一等以代都督已上又增置綏德懷仁守義奉誠立信等五尉以至從九品武德初雜用隋制至七年頒令定用上柱國柱國上大將軍大將軍上輕車都尉輕車都尉上騎都尉騎都尉驍騎尉飛騎尉雲騎尉武騎尉凡十二等起正二品至從七品貞觀十一年改上大將軍爲上護軍大將軍爲護軍自外不改行之至今永徽已後以國初勲名與散官名同年月旣久漸相錯亂咸亨五年三月更下詔申明各以類相比武德初光祿大夫比今日上柱國左光祿大夫比柱國右光祿大夫及上大將軍比上護軍金紫光祿大夫及將軍比護軍銀青光祿大夫及上開府比上輕車都尉正議大夫及開府比輕車都尉通議大夫及上儀同三司比上騎都尉朝請大夫及儀同比騎都尉上大都督比驍騎尉大都督比飛騎尉帥都督比雲騎尉都督比武騎尉自是已後戰士授勲者動盈萬計

每年納課亦分番於兵部及本郡當上省司又分支諸曹身應役
使有類僮僕據令乃與公卿齊班論實在於胥吏之下蓋以其猥
多又出自兵卒所以然也武德初以諸道軍務事繁分置行臺尚
書省其陝東道大行臺尚書省令一人正第二品掌管內軍人摠判省
事僕射一人從第二品掌貳令事左丞一人正第四品右丞一人正第四品掌
分司糾正省內都事一人從第七品主事四人從第九品並掌同京
省兵部尚書一人正第四品諸兼掌吏部事司勳郎中一人正第五品
郎中並同主事一人考功郎中一人主事一人兵部郎中一人主事二人駕
部郎中一人主事二人民政部尚書一人兼掌禮部事禮部郎中一
人主事一人膳部郎中一人主事一人度支郎中一人主事二人倉部
郎中一人主事二人工部尚書一人兼掌刑部事刑部郎中一人主
事一人都官郎中一人主事一人工部郎中一人主事一人屯田郎中一
人主事一人母郎中兼京省二司各有令史書令史及掌固並派外食貨監一人正第八品
下諸監同掌膳羞財物賓客鋪設音樂醫藥事丞二人正第九品農

圃監一人掌倉廩園圃柴炭芻藁運漕之事丞四人武器監一人

掌兵仗廐牧之事丞二人百工監一人掌舟車及營造雜作之事丞

四人各有錄事及府史典諸道行臺尚書省益州道襄州道東南道河東道河北道今一人

從第掌同陝東道大行臺僕射一人正第三品丞一人左右任置左丞從四

品都事二人正第八品上主事二人兵部尚書一人從第三品兼掌吏部禮

部事考功郎中一人從第五品上主事二人從第九品下膳部郎中一人

主事二人兵部郎中二人主事二人民政部尚書一人兼掌刑部工部

倉部郎中二人主事二人刑部郎中一人主事二人屯田郎中一人主

事二人每郎中兼掌京省三司各有倉貨監一人從八品上兼掌農圃

監事丞一人兼掌百工事丞二人兩監各有錄事府史時秦王齊王

府官之外又各置左右大護軍府及左右親掌帳內府其左一右二

護軍府護軍各一人正第四品下掌率統軍已下侍衛陪從副護軍各

二人從四品下長史各一人從七品下錄事參軍各一人從八品有錄事倉曹參

軍事各一人兵曹參軍事各一人鎧曹參軍事各一人並正九品下各有府

史並

統軍各五人別將各一人分掌領親勳衛及外軍左三右二

護軍府左三右三護軍府各減統軍三人別將六人餘職負同左

一右二府其左右親軍府統軍各二人正四品下掌率左右別將侍衛陪

從長史一人正八品下錄事參軍事各一人正九品上有錄事及府史並流外兵曹參軍

事各一人鎧曹參軍事各一人並正九品下各有府史並流外左別將各一人右別

將各一人正五品下掌率親事以上侍衛陪從其帳內府職負品秩

與統軍府同又有庫直及驅啞直庫直隸親事府驅啞直隸帳內府各於左右內選

才堪者量事置之武德四年太宗平洛陽之後又置天策上將府

官負天策上將一人掌國之征討摠判府事長史司馬各一人從

事中郎二人並掌通判府事軍諮祭酒二人謀軍事贊相禮儀

宴接賓客典籤四人掌宣傳導引之事主簿二人掌省覆教命錄

事二人記室參軍事二人掌書疏表啓宣行教命功曹參軍事二

人掌官負假使儀式醫藥選舉考課祿恤鋪設等事倉曹參軍

二人掌糧廩公廨田園厨膳過所等事兵曹參軍事二人掌兵士

簿帳差點等事騎曹參軍事二人掌馬驢雜畜簿帳及牧養支料
草粟等事鎧曹參軍事二人掌戎仗之事士曹參軍事二人掌營
造及罪罰之事六曹並有今史書今史參軍事六人掌出使及雜檢校之事
其陝東道大行臺尚書令及天策上將太宗在藩爲之及升儲
並省之山東道行臺武德五年省餘道九年省

唐書志卷第二十二

左從政郎紹興府錄事參軍張嘉賓校勘